

၂-သာမညဗလသုတ္တ

ရာဇာမစ္ဆကထာ

၁၅၀။ ဧဝံ မေ သုတံ၊ ဧကံ သမယံ ဘဂဝါ ရာဇဂဟေ ဝိဟရတိ ဇီဝကဿ ကောမာရဘစ္ဆဿ အဗ္ဗဝနေ မဟတာ ဘိက္ခုသံဃေန သဒ္ဓိံ အနုတေဋ္ဌသေဟိ ဘိက္ခုသတေဟိ။ တေန ခေါ ပန သမယေန ရာဇာ မာဂဓော အဇာတသတ္တု ဝေဒေဟိပုတ္တော တဒဟုပေါသထေ ပန္နရသေ ကောမုဒိယာ စာတုမာသိနိယာ ပုဏ္ဏာယ ပုဏ္ဏမာယ ရတ္ထိယာ ရာဇာမစ္ဆပရိဝုတော ဥပရိပါသာဒဝရဂတော နိသိန္ဓော ဟောတိ။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော တဒဟုပေါသထေ ဥဒါနံ ဥဒါနေသိ “ရမဏိယာ ဝတ ဘော ဒေါသိနာ ရတ္ထိ၊ အဘိရူပါ ဝတ ဘော ဒေါသိနာ ရတ္ထိ၊ ဒဿနိယာ ဝတ ဘော ဒေါသိနာ ရတ္ထိ၊ ပါသာဒိကာ ဝတ ဘော ဒေါသိနာ ရတ္ထိ၊ လက္ခညာ ဝတ ဘော ဒေါသိနာ ရတ္ထိ၊ ကံ နု ခုဇ္ဇ သမဏံ ဝါ မြာဟ္မဏံ ဝါ ပယိရူပါသေယျာမ၊ ယံ နော ပယိရူပါသတော စိတ္တံ ပသီဒေယျာ”တိ။

၁၅၁။ ဧဝံ ဝုတ္တေ အညတရော ရာဇာမစ္ဆော ရာဇာနံ မာဂဓံ အဇာတသတ္တု ဝေဒေဟိပုတ္တံ ဧတဒဝေါစ “အယံ ဒေဝ ပူရဏော ကဿပေါ သင်္ခီ စေဝ ဂဏီ စ ဂဏာစရိယော စ ဉ္ဇတော ယသဿိ တိတ္ထကရော သာဓုသမ္ပတော ဗဟုဇနဿ ရတ္တညူ စိရပဗ္ဗဇိတော အဒ္ဓဂတော ဝယောအနုပ္ပတ္တော၊ တံ ဒေဝေါ ပူရဏံ ကဿပံ ပယိရူပါသတု၊ အပ္ပေဝ နာမ ဒေဝဿ ပူရဏံ ကဿပံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တု ဝေဒေဟိပုတ္တော တုဏှိ အဟောသိ။

၁၅၂။ အညတရောပိ ခေါ ရာဇာမစ္ဆော ရာဇာနံ မာဂဓံ အဇာတသတ္တု ဝေဒေဟိပုတ္တံ ဧတဒဝေါစ “အယံ ဒေဝ မက္ခလိ ဂေါသာလော သင်္ခီ စေဝ ဂဏီ စ ဂဏာစရိယော စ ဉ္ဇတော ယသဿိ တိတ္ထကရော သာဓုသမ္ပတော ဗဟုဇနဿ ရတ္တညူ စိရပဗ္ဗဇိတော အဒ္ဓဂတော ဝယောအနုပ္ပတ္တော၊ တံ ဒေဝေါ မက္ခလိံ ဂေါသာလံ ပယိရူပါသတု၊ အပ္ပေဝ နာမ ဒေဝဿ မက္ခလိံ ဂေါသာလံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တု ဝေဒေဟိပုတ္တော တုဏှိ အဟောသိ။

၁၅၃။ အညတရောပိ ခေါ် ရာဇာမစ္ဆော ရာဇာနံ မာဂဓံ အဇာတသတ္တံ ဝေဒေဟိပုတ္တံ တေဒဝေါစ “အယံ ဒေဝ အဇိတော ကေသကမ္ဗလော သင်္ဃီ စေဝ ဂဏီ စ ဂဏာစရိယော စ ဉ္ဇတော ယသသီ တိတ္ထကရော သာဓုသမ္ဗတော ဗဟုဇနဿ ရတ္တညူ စိရပဗ္ဗဇိတော အဗ္ဗဂတော ဝယောအနုပ္ပတ္တော၊ တံ ဒေဝေါ အဇိတံ ကေသကမ္ဗလံ ပယိရူပါသတု၊ အပ္ပေဝ နာမ ဒေဝဿ အဇိတံ ကေသကမ္ဗလံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တံ ဝေဒေဟိပုတ္တော တုဏှိ အဟောသိ။

၁၅၄။ အညတရောပိ ခေါ် ရာဇာမစ္ဆော ရာဇာနံ မာဂဓံ အဇာတသတ္တံ ဝေဒေဟိပုတ္တံ တေဒဝေါစ “အယံ ဒေဝ ပကုဓော၁ ကစ္စာယနော သင်္ဃီ စေဝ ဂဏီ စ ဂဏာစရိယော စ ဉ္ဇတော ယသသီ တိတ္ထကရော သာဓုသမ္ဗတော ဗဟုဇနဿ ရတ္တညူ စိရပဗ္ဗဇိတော အဗ္ဗဂတော ဝယော-အနုပ္ပတ္တော၊ တံ ဒေဝေါ ပကုဓံ ကစ္စာယနံ ပယိရူပါသတု၊ အပ္ပေဝ နာမ ဒေဝဿ ပကုဓံ ကစ္စာယနံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တံ ဝေဒေဟိပုတ္တော တုဏှိ အဟောသိ။

၁၅၅။ အညတရောပိ ခေါ် ရာဇာမစ္ဆော ရာဇာနံ မာဂဓံ အဇာတသတ္တံ ဝေဒေဟိပုတ္တံ တေဒဝေါစ “အယံ ဒေဝ သဗ္ဗယော၂ ဗေလဋ္ဌပုတ္တော၃ သင်္ဃီ စေဝ ဂဏီ စ ဂဏာစရိယော စ ဉ္ဇတော ယသသီ တိတ္ထကရော သာဓုသမ္ဗတော ဗဟုဇနဿ ရတ္တညူ စိရပဗ္ဗဇိတော အဗ္ဗဂတော ဝယော-အနုပ္ပတ္တော၊ တံ ဒေဝေါ သဗ္ဗယံ ဗေလဋ္ဌပုတ္တံ ပယိရူပါသတု၊ အပ္ပေဝ နာမ ဒေဝဿ သဗ္ဗယံ ဗေလဋ္ဌပုတ္တံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တံ ဝေဒေဟိပုတ္တော တုဏှိ အဟောသိ။

၁၅၆။ အညတရောပိ ခေါ် ရာဇာမစ္ဆော ရာဇာနံ မာဂဓံ အဇာတသတ္တံ ဝေဒေဟိပုတ္တံ တေဒဝေါစ “အယံ ဒေဝ နိဂဏ္ဏော နာဋပုတ္တော၄ သင်္ဃီ စေဝ ဂဏီ စ ဂဏာစရိယော စ ဉ္ဇတော ယသသီ တိတ္ထကရော သာဓုသမ္ဗတော ဗဟုဇနဿ ရတ္တညူ စိရပဗ္ဗဇိတော အဗ္ဗဂတော ဝယောအနုပ္ပတ္တော၊ တံ ဒေဝေါ နိဂဏ္ဏံ နာဋပုတ္တံ ပယိရူပါသတု၊ အပ္ပေဝ နာမ ဒေဝဿ

၁-ပကုဋ္ဌေါ (သီ)	၂-သဗ္ဗယော (သီ၊ သျာ)
၃-ဗေလဋ္ဌပုတ္တော (သီ)၊ ဝေလဋ္ဌပုတ္တော (သျာ)	၄-နာထပုတ္တော(သီ)၊ နာတပုတ္တော (ဣ)

နိဂဏ္ဌံ နာဠုပုတ္တံ ပယိရူပါသတော စိတ္တံ ပသီဒေယျာ”တိ။ ဧဝံ ဝုတ္တေ ရာဇာ မာဂဓော အဇာတသတ္တု ဝေဒေဟိပုတ္တော တုဏှိ အဟောသိ။

ကောမာရဘစ္စဇီဝကကထာ

၁၅၇။ တေန ခေါပန သမယေန ဇီဝကော ကောမာရဘစ္စော ရညော မာဂဓဿ အဇာတသတ္တုဿ ဝေဒေဟိပုတ္တဿ အဝိဒူရေ တုဏှိဘူတော နိသိန္ဓော ဟောတိ။ အထ ခေါ ရာဇာ မာဂဓော အဇာတသတ္တု ဝေဒေဟိ- ပုတ္တော ဇီဝကံ ကောမာရဘစ္စံ တေဒဝေါစ “တံ ပန သမ္ပ ဇီဝက ကိံ တုဏှိ”တိ။ အယံ ဒေဝ ဘဂဝါ အရဟံ သမ္မာသမ္ဗုဒ္ဓေါ အမှာကံ အမ္မဝနေ ဝိဟရတိ မဟတာ ဘိက္ခုသံဃေန သဒ္ဓိံ အမုတေဋ္ဌသေဟိ ဘိက္ခုသတေဟိ၊ တံ ခေါ ပန ဘဂဝန္တံ ဧဝံ ကလျာဏော ကိတ္တိသဒ္ဓေါ အတ္တဂ္ဂတော “ဣတိပိ သော ဘဂဝါ အရဟံ သမ္မာသမ္ဗုဒ္ဓေါ ဝိဇ္ဇာစရဏသမ္ပန္နော သုဂတော လောကဝိဒူ အနုတ္တရော ပုရိသဒမ္မသာရထိံ သတ္တာ ဒေဝမနုဿာနံ ဗုဒ္ဓေါ ဘဂဝါ”တိ။ တံ ဒေဝေါ ဘဂဝန္တံ ပယိရူပါသတု၊ အပ္ပေဝ နာမ ဒေဝဿ ဘဂဝန္တံ ပယိရူပါသတော စိတ္တံ ပသီဒေယျာတိ။

၁၅၈။ တေန ဟိ သမ္ပ ဇီဝက ဟတ္ထိယာနာနိ ကပ္ပိပေဟိတိ။ “ဧဝံ ဒေဝါ” တိ ခေါ ဇီဝကော ကောမာရဘစ္စော ရညော မာဂဓဿ အဇာတသတ္တုဿ ဝေဒေဟိပုတ္တဿ ပဋိဿုဏိတွာ ပဉ္စမတ္တာနိ ဟတ္ထိနိကာ- သတာနိ ကပ္ပိပေတွာ ရညော စ အာရောဟဏိယံ နာဂံ၊ ရညော မာဂဓဿ အဇာတသတ္တုဿ ဝေဒေဟိပုတ္တဿ ပဋိဝေဒေသိ “ကပ္ပိတာနိ ခေါ တေ ဒေဝ ဟတ္ထိယာနာနိ၊ ယဿဒါနိ ကာလံ မညသီ”တိ။

၁၅၉။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ပဉ္စသု ဟတ္ထိနိကာသတေသု ပစ္စေကာ ဣတ္ထိယော အာရောပေတွာ အာရောဟဏိယံ နာဂံ အဘိရူဟိတွာ ဥက္ကာသု ဓာရိယမာနာသု ရာဇဂဟမှာ နိယျာသိ မဟစ္စ- ရာဇာနုဘာဝေန၊ ယေန ဇီဝကဿ ကောမာရဘစ္စဿ အမ္မဝနံ တေန ပါယာသိ။

အထ ခေါ ရညော မာဂဓဿ အဇာတသတ္တုဿ ဝေဒေဟိပုတ္တဿ အဝိဒူရေ အမ္မဝနဿ အဟုဒေဝ ဘယံ၊ အဟု ဆမ္ဘိတတ္တံ၊ အဟု လောမဟံသော။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ဘိတော သံဝိဂ္ဂေါ

လောမဟဋ္ဌဇာတော ဇီဝကံ ကောမာရဘစ္စံ တေဒဝေါစ “ကစ္စိ မံ သမ္မ ဇီဝက န ဝဇ္ဇေသိ၊ ကစ္စိ မံ သမ္မ ဇီဝက န ပလမ္ဘေသိ၊ ကစ္စိ မံ သမ္မ ဇီဝက န ပစ္စတ္ထိကာနံ ဒေသိ။ ကထံ ဟိ နာမ တာဝ မဟတော ဘိက္ခုသံဃဿ အမုတေဋ္ဌသာနံ ဘိက္ခုသတာနံ နေဝ ခိပိတသဒ္ဓေါ ဘဝိဿတိ၊ န ဥက္ကာသိတသဒ္ဓေါ၊ န နိဋ္ဌေါသော”တိ။

မာ ဘာယိ မဟာရာဇ၊ မာ ဘာယိ မဟာရာဇ၊ န တံ ဒေဝ ဝဇ္ဇေမိ၊ န တံ ဒေဝ ပလမ္ဘာမိ၊ န တံ ဒေဝ ပစ္စတ္ထိကာနံ ဒေမိ၊ အဘိက္ကမ မဟာရာဇ၊ အဘိက္ကမ မဟာရာဇ၊ ဧတေ မဏ္ဍလမာဠေ ဒီပါ^၁ ဈာယန္တိတိ။

သာမညဗလပုစ္ဆာ

၁၆၀။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ယာဝတိကာ နာဂဿ ဘူမိ နာဂေန ဂန္ဓာ နာဂါ ပစ္စောရေဟိတွာ ပတ္တိကောဝ^၂ ယေန မဏ္ဍလမာဠဿ ဒွါရံ တေနပသင်္ကမိ၊ ဥပသင်္ကမိတွာ ဇီဝကံ ကောမာရဘစ္စံ တေဒဝေါစ “ကဟံ ပန သမ္မ ဇီဝက ဘဂဝါ”တိ။ ဧသော မဟာရာဇ ဘဂဝါ၊ ဧသော မဟာရာဇ ဘဂဝါ မဇ္ဈိမံ ထမ္ဘံ နိဿာယ ပုရတ္တာဘိမုခေါ နိသိန္ဓော ပုရက္ခတော ဘိက္ခုသံဃဿာတိ။

၁၆၁။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ယေန ဘဂဝါ တေနပသင်္ကမိ၊ ဥပသင်္ကမိတွာ ဧကမန္တံ အဋ္ဌာသိ။ ဧကမန္တံ ဌိတော ခေါ ရာဇာ မာဂဓော အဇာတသတ္တု ဝေဒေဟိပုတ္တော တုဏှိဘူတံ ဘိက္ခုသံဃံ အနုဝိလောကေတွာ ရဟဒမိဝ ဝိပ္ပသန္တံ ဥဒါနံ ဥဒါနေသိ “ဣမိနာ မေ ဥပသမေန ဥဒယဘဒ္ဒေါ^၃ ကုမာရော သမန္ဓာဂတော ဟောတု၊ ယေနတရဟိ ဥပသမေန ဘိက္ခုသံဃော သမန္ဓာဂတော”တိ။ အဂမာ ခေါ တံ မဟာရာဇ ယထာပေမန္တိ။ ဝိယော မေ ဘန္တေ ဥဒယဘဒ္ဒေါ ကုမာရော၊ ဣမိနာ မေ ဘန္တေ ဥပသမေန ဥဒယဘဒ္ဒေါ ကုမာရော သမန္ဓာဂတော ဟောတု၊ ယေနတရဟိ ဥပသမေန ဘိက္ခုသံဃော သမန္ဓာဂတောတိ။

၁၆၂။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝန္တံ အဘိဝါဒေတွာ ဘိက္ခုသံဃဿ အဗ္ဗလီ^၁ ပဏာမေတွာ ဧကမန္တံ နိသိဒ္ဓိ။

၁-ပဒီပါ (သီ၊ သျာ) ၂-ပဒီကောဝ (သျာ) ၃-ဥဒါယိဘဒ္ဒေါ (သီ၊ ဣ)

ဧကမန္တံ နိသိန္ဓော ခေါ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝန္တံ တေဒဝေါစ “ပုစ္ဆေယျာမဟံ ဘန္တေ ဘဂဝန္တံ ကဗ္ဗိဒေဝ ဒေသံ” သစေ မေ ဘဂဝါ ဩကာသံ ကရေတိ ပဥဿ ဝေယျာကရဏာယာ”တိ။ ပုစ္ဆ မဟာရာဇ၊ ယဒါကံသိတိ။

၁၆၃။ ယထာ န ခေါ ဣမာနိ ဘန္တေ ပုထုသိပ္ပါယတနာနိ၊ သေယျထိဒံ၊ ဟတ္ထာရောဟာ အဿာရောဟာ ရထိကာ ဓနုဂ္ဂဟာ စေလကာ စလကာ ပိဏ္ဍဒါယကာ ဥဂ္ဂါ ရာဇပုတ္တာ ပက္ခန္ဓိနော မဟာနာဂါ သူရာ စမ္ပယောမိနော ဒါသိကပုတ္တာ အာဠာရိကာ ကပ္ပကာ နှာပကာ^၂ သူဒါ မာလကာရာ ရဇကာ ပေသကာရာ နဠကာရာ ကုမ္ဘကာရာ ဂဏကာ မုဒ္ဒိကာ၊ ယာနိ ဝါ ပနညာနိပိ ဝေဝတိနိ ပုထုသိပ္ပါယတနာနိ၊ တေ ဒိဠေဝ ဓမ္မေ သန္ဓိဋ္ဌိကံ သိပ္ပဇလံ ဥပဇိဝန္တိ၊ တေ တေန အတ္တာနံ သုခေန္တိ ပီဏေန္တိ^၃၊ မာတာပိတရော သုခေန္တိ ပီဏေန္တိ၊ ပုတ္တဒါရံ သုခေန္တိ ပီဏေန္တိ၊ မိတ္တာမစ္စေ သုခေန္တိ ပီဏေန္တိ၊ သမဏဗြာဟ္မဏေသု^၄ ဥဒ္ဓဂ္ဂိကံ ဒက္ခိဏံ ပတိဠပေန္တိ သောဝဂ္ဂိကံ သုခဝိပါကံ သဂ္ဂသံဝတ္တနိကံ။ သက္ကာ န ခေါ ဘန္တေ ဝေမေဝ ဒိဠေဝ ဓမ္မေ သန္ဓိဋ္ဌိကံ သာမညဇလံ ပညပေတုန္တိ။

၁၆၄။ အဘိဇာနာသိ နော တံ မဟာရာဇ ဣမံ ပဉ္စိ အညေ သမဏ-ဗြာဟ္မဏေ ပုစ္ဆိတာတိ။ အဘိဇာနာမဟံ ဘန္တေ ဣမံ ပဉ္စိ အညေ သမဏဗြာဟ္မဏေ ပုစ္ဆိတာတိ။ ယထာ ကထံ ပန တေ မဟာရာဇ ဗျာကရိံသု၊ သစေ တေ အဂရ၊ ဘာသဿူတိ။ န ခေါ မေ ဘန္တေ ဂရ၊ ယတ္ထဿ ဘဂဝါ နိသိန္ဓော ဘဂဝန္တရူပေါ ဝါတိ^၅။ တေန ဟိ မဟာရာဇ ဘာသဿူတိ။

ပူရဏကဿပဝါဒ

၁၆၅။ ဧကမိဒါဟံ ဘန္တေ သမယံ ယေန ပူရဏော ကဿပေါ တေနပ-သက်မိ^၁၊ ဥပသက်မိတွာ ပူရဏေန ကဿပေန သဒ္ဓိ^၂ သမ္မောဒိ^၃၊ သမ္မောဒနိယံ ကထံ သာရဏိယံ ဝိတိသာရေတွာ ဧကမန္တံ နိသိဒိ^၄။ ဧကမန္တံ နိသိန္ဓော ခေါ အဟံ ဘန္တေ ပူရဏံ ကဿပံ တေဒဝေါစ “ယထာ န ခေါ ဣမာနိ ဘော ကဿပ ပုထုသိပ္ပါယတနာနိ၊ သေယျထိဒံ၊ ဟတ္ထာရောဟာ အဿာရောဟာ ရထိကာ

၁-ကိဗ္ဗိဒေဝ ဒေသံ လေသမတ္တံ (သျှ၊ ကံ၊ က) ၂-နဟာပိကာ (သီ)၊ နာပိကာ (သျှ)
၃-ပီဏေန္တိ (ကတ္ထစိ) ၄-သမဏေသု ဗြာဟ္မဏေသု (က) ၅-စာတိ (သီ၊ က)

ဓနုဂ္ဂဟာ စေလကာ စလကာ ဝိဏ္ဏဒါယကာ ဥဂ္ဂါ ရာဇပုတ္တာ ပက္ခန္ဓိနော မဟာနာဂါ သူရာ စမ္ပယောဓိနော ဒါသိကပုတ္တာ အာဠာရိကာ ကပ္ပကာ နှာပကာ သူဒါ မာလကာရာ ရဇကာ ပေသကာရာ နဋ္ဌကာရာ ကုမ္ဘကာရာ ဂဏကာ မုဒ္ဒိကာ၊ ယာနိ ဝါ ပနညာနိပိ ဧဝံဂတာနိ ပုထုသိပ္ပါယတနာနိ၊ တေ ဒိဋ္ဌေဝ ဓမ္မေ သန္နိဋ္ဌိကံ သိပ္ပဇလံ ဥပဇိဝန္တိ၊ တေ တေန အတ္တာနံ သုခေန္တိ ဝိဏေန္တိ၊ မာတာပိတရော သုခေန္တိ ဝိဏေန္တိ၊ ပုတ္တဒါရံ သုခေန္တိ ဝိဏေန္တိ၊ မိတ္တာမစ္စေ သုခေန္တိ ဝိဏေန္တိ၊ သမဏဗြာဟ္မဏေသု ဥဒ္ဓဂ္ဂိကံ ဒက္ခိဏံ ပတိဋ္ဌပေန္တိ သောဝဂ္ဂိကံ သုခဝိပါကံ သဂ္ဂသံဝတ္တနိကံ။ သက္ကာ န ခေါ ဘော ကဿပ ဧဝမေဝ ဒိဋ္ဌေဝ ဓမ္မေ သန္နိဋ္ဌိကံ သာမညဇလံ ပညပေတု”န္တိ။

၁၆၆။ ဧဝံပုတ္တေ ဘန္တေ ပူရဏော ကဿပေါ မံ ဧတဒဝေါစ “ကရောတော ခေါ မဟာရာဇ ကာရယတော၊ ဆိန္ဒတော ဆေဒါပယတော၊ ပစတော ပါစာပယတော၊ သောစယတော သောစာပယတော၊ ကိလမတော ကိလမာ-ပယတော၊ ဖန္ဒတော ဖန္ဒာပယတော၊ ပါဏမတိပါတာပယတော၊ အဒိန္နံ အာဒိယတော၊ သန္ဓိံ ဆိန္ဒတော၊ နိလ္လောပံ ဟရတော၊ ဧကာဂါရိကံ ကရောတော၊ ပရိပန္နော တိဋ္ဌတော၊ ပရဒါရံ ဂစ္ဆတော၊ မုသာ ဘဏတော၊ ကရောတော န ကရိယတိ ပါပံ။ ခုရပရိယန္တေန စေပိ စက္ကေန ယော ဣမိဿာ ပထဝိယာ ပါဏေ ဧကံ မံသခလံ ဧကံ မံသပုဉ္ဇံ ကရေယျ၊ နတ္ထိ တတောနိဒါနံ ပါပံ၊ နတ္ထိ ပါပဿ အာဂမော။ ဒက္ခိဏဉ္စေပိ ဂင်္ဂါယ တီရံ ဂစ္ဆေယျ ဟနန္တော သာတေန္တော ဆိန္ဒန္တော ဆေဒါပေန္တော ပစန္တော ပါစာပေန္တော၊ နတ္ထိ တတောနိဒါနံ ပါပံ၊ နတ္ထိ ပါပဿ အာဂမော။ ဥတ္တရဉ္စေပိ ဂင်္ဂါယ တီရံ ဂစ္ဆေယျ ဒဒန္တော ဒါပေန္တော ယဇန္တော ယဇာပေန္တော၊ နတ္ထိ တတော-နိဒါနံ ပုညံ၊ နတ္ထိ ပုညဿ အာဂမော။ ဒါနေန ဒမေန သံယမေန သစ္စဝဇ္ဇေန နတ္ထိ ပုညံ၊ နတ္ထိ ပုညဿ အာဂမော”တိ။ ဣတ္ထံ ခေါ မေ ဘန္တေ ပူရဏော ကဿပေါ သန္နိဋ္ဌိကံ သာမညဇလံ ပုဋ္ဌော သမာနော အကိရိယံ ဗျာကာသိ။

သေယျထာပိ ဘန္တေ အမ္ပံ ဝါ ပုဋ္ဌော လဗုဇံ ဗျာကရေယျ၊ လဗုဇံ ဝါ ပုဋ္ဌော အမ္ပံ ဗျာကရေယျ။ ဧဝမေဝ ခေါ မေ ဘန္တေ ပူရဏော ကဿပေါ သန္နိဋ္ဌိကံ သာမညဇလံ ပုဋ္ဌော သမာနော အကိရိယံ ဗျာကာသိ၊ တဿ မယံ ဘန္တေ ဧတဒဟောသိ “ကထံ ဟိ နာမ မာဒိသော သမဏံ ဝါ ဗြာဟ္မဏံ ဝါ ဝိဇိတေ ဝသန္တံ အပသာဒေတဗ္ဗံ မညေယျာ”တိ။ သော ခေါ အဟံ ဘန္တေ ပူရဏဿ ကဿပဿ ဘာသိတံ နေဝ အဘိနန္ဒိံ နပ္ပဋိက္ကောသိ၊ အနဘိနန္ဒိတွာ

အပ္ပဋိက္ခောသိတွာ အနတ္တမနော အနတ္တမနဝါစံ အနိစ္ဆာရေတွာ တမေဝ ဝါစံ အနုဂ္ဂဏှန္တော အနိက္ကုဇန္တော^၁ ဥဋ္ဌာယာသနာ ပက္ကမိ^၂။

မက္ခလိဂေါသာလဝါဒ

၁၆၇။ ဧကမိဒါဟံ ဘန္တေ သမယံ ယေန မက္ခလိ ဂေါသာလော တေနုပသင်္ကမိ^၃။ ဥပသင်္ကမိတွာ မက္ခလိနာ ဂေါသာလေန သဗ္ဗိ^၄ သမ္မောဒိ^၅။ သမ္မောဒနိယံ ကထံ သာရဏီယံ ဝိတိသာရေတွာ ဧကမန္တံ နိသီဒိ^၆။ ဧကမန္တံ နိသီန္တော ခေါအဟံ ဘန္တေ မက္ခလိ^၇ ဂေါသာလံ တေဒဝေါစံ “ယထာ န ခေါ ဣမာနိ ဘော ဂေါသာလ ပုထုသိပ္ပုယတနာနိ။ပ။ သက္ကာ န ခေါ ဘော ဂေါသာလ ဝေမေဝ ဒိဋ္ဌေဝ ဓမ္မေ သန္တိဋ္ဌိကံ သာမညဖလံ ပညပေတု”န္တိ။

၁၆၈။ ဧဝံ ဝုတ္တေ ဘန္တေ မက္ခလိ ဂေါသာလော မံ တေဒဝေါစ “နတ္ထိ မဟာရာဇ ဟေတု နတ္ထိ ပစ္စယော သတ္တာနံ သံကိလေသာယ၊ အဟေတု^၈ အပစ္စယာ သတ္တာ သံကိလိဿန္တိ။ နတ္ထိ ဟေတု နတ္ထိ ပစ္စယော သတ္တာနံ ဝိသုဒ္ဓိယာ၊ အဟေတု အပစ္စယာ သတ္တာ ဝိသုဇ္ဈန္တိ။ နတ္ထိ အတ္တကာရေ၊ နတ္ထိ ပရကာရေ၊ နတ္ထိ ပုရိသကာရေ၊ နတ္ထိ ဗလံ၊ နတ္ထိ ဝီရိယံ၊ နတ္ထိ ပုရိသထာမော၊ နတ္ထိ ပုရိသပရက္ကမော၊ သဗ္ဗေ သတ္တာ သဗ္ဗေ ပါဏာ သဗ္ဗေ ဘူတာ သဗ္ဗေ ဇီဝိ အဝသာ အဗလာ အဝီရိယာ နိယတိသံဂတိဘာဝပရိဏတာ ဆသ္မေဝါဘိ-
ဇာတိသု သုခဒုက္ခံ^၉ ပဋိသံဝေဒေန္တိ၊ စုဒ္ဓသ ခေါ ပနိမာနိ ယောနိပမုခသတ-
သဟဿာနိ သဋ္ဌိ စ သတာနိ ဆ စ သတာနိ ပဉ္စ စ ကမ္မုနော သတာနိ ပဉ္စ စ ကမ္မာနိ တိဏိ စ ကမ္မာနိ ကမ္မေ စ အခုကမ္မေ စ ဒွဋ္ဌိပဋိပဒါ ဒွဋ္ဌန္တရကပ္ပါ ဆဋ္ဌာဘိဇာတိယော အဋ္ဌ ပုရိသဘူမိယော ဧကေနပညာသ အာဇီဝကသတေ ဧကေနပညာသ ပရိဗ္ဗာဇကသတေ ဧကေနပညာသ နာဂါဝါသသတေ ဝိသေ ဣန္ဒြိယသတေ တိံသေ နိရုယသတေ ဆတ္တိံသ ရဇောဓာတုယော သတ္တ သညိဂဗ္ဘာ သတ္တ အသညိဂဗ္ဘာ သတ္တ နိဂဏ္ဍိဂဗ္ဘာ သတ္တ ဒေဝါ သတ္တ မာနသာ သတ္တ ပိသာစာ သတ္တ သရာ သတ္တ ပဝုဇ္ဇာ^{၁၀} သတ္တ ပဝုဇ္ဇ-
သတာနိ သတ္တ ပပါတာ သတ္တ ပပါတသတာနိ သတ္တ သုပိနာ သတ္တ သုပိနသတာနိ စုလ္လာသီတိ မဟာကပ္ပိနော^{၁၁} သတသဟဿာနိ၊ ယာနိ ဗာလေ စ ပဏ္ဍိတေ စ သန္ဓာဝိတွာ သံသရိတွာ ဒုက္ခဿန္တံ ကရိဿန္တိ၊ တတ္ထ

၁-အနိက္ကုဇန္တော (သျှာ၊ ကံ၊ က) ၂-ပက္ကမိ (သီ၊ သျှာ၊ ကံ၊ ဣ) ၃-အဟေတု (ကတ္တစိ)
၄-သုခဉ္စ ဒုက္ခဉ္စ (သျှာ) ၅-သပုဇ္ဇာ (က)၊ ပပုဇ္ဇာ (သီ) ၆-မဟာကပ္ပုနော (က-သီ၊ ဣ)

နတ္ထိ ‘ဣဒိနာဟံ သီလေန ဝါ ဝတေန ဝါ တပေန ဝါ ဗြဟ္မစရိယေန ဝါ အပရိပက္ခံ ဝါ ကမ္မံ ပရိပါစေဿာမိ၊ ပရိပက္ခံ ဝါ ကမ္မံ ဖုဿ ဖုဿ ဗျန္တိ’ ကရိဿာမိ’တိ ဟေဝံ နတ္ထိ။ ဒေါဏမိတေ သုခဒုက္ခေ၊ ပရိယန္တကတေ သံသာဓရေ နတ္ထိ ဟာယနဝဗုနေ၊ နတ္ထိ ဥက္ကံသာဝကံသေ။ သေယျထာပိ နာမ သုတ္တဂုဠေ ဝိတ္ထေ နိဗ္ဗေဋ္ဌိယမာနမေဝ ပလေတိ၊ ဧဝမေဝ ဗာလေ စ ပဏှိတေ စ သန္ဓာဝိတွာ သံသရိတွာ ဒုက္ခဿန္တံ ကရိဿန္တိ”တိ။

၁၆၉။ ဣတ္ထံ ခေါ မေ ဘန္တေ မက္ခလိ ဂေါသာလော သန္နိဋ္ဌိကံ သာမည- ဖလံ ပုဠော သမာနော သံသာရသုဒ္ဓိံ ဗျာကာသိ။ သေယျထာပိ ဘန္တေ အမ္မံ ဝါ ပုဠော လဗုဇံ ဗျာကရေယျ၊ လဗုဇံ ဝါ ပုဠော အမ္မံ ဗျာကရေယျ။ ဧဝမေဝ ခေါ မေ ဘန္တေ မက္ခလိ ဂေါသာလော သန္နိဋ္ဌိကံ သာမညဖလံ ပုဠော သမာနော သံသာရသုဒ္ဓိံ ဗျာကာသိ။ တဿ မယံ ဘန္တေ တေဒဟောသိ “ကထံ ဟိ နာမ မာဒိသော သမဏံ ဝါ ဗြာဟ္မဏံ ဝါ ဝိဇိတေ ဝသန္တံ အပသာဒေတဗ္ဗံ မညေယျာ”တိ။ သော ခေါ အဟံ ဘန္တေ မက္ခလိဿ ဂေါသာလဿ ဘာသိတံ နေဝ အဘိနန္တိ နပုဋိက္ခောသိ၊ အဘိနန္တိတွာ အပုဋိက္ခောသိတွာ အနတ္တမနော အနတ္တမနဝါစံ အနိစ္ဆာရေတွာ တမေဝ ဝါစံ အနဂ္ဂဏှန္တော အနိက္ကုဠန္တော ဥဋ္ဌာယာသနာ ပက္ကမိံ။

အဇိတကေသကမ္မလဝါဒ

၁၇၀။ ဧကမိဒါဟံ ဘန္တေ သမယံ ယေန အဇိတော ကေသကမ္မလော တေနပသကံမိ၊ ဥပသကံမိတွာ အဇိတေန ကေသကမ္မလေန သဒ္ဓိံ သမ္မောဒိံ၊ သမ္မောဒနီယံ ကထံ သာရဏီယံ ဝိတိသာရေတွာ ဧကမန္တံ နိသိဒိံ၊ ဧကမန္တံ နိသိန္နော ခေါ အဟံ ဘန္တေ အဇိတံ ကေသကမ္မလံ တေဒဝေါစံ “ယထာ န ခေါ ဣမာနိ ဘော အဇိတ ပုထုသိပ္ပိယတနာနိ”ပ။ သက္ကာ န ခေါ ဘော အဇိတ ဧဝမေဝ ဒိဋ္ဌေဝ ဓမ္မေ သန္နိဋ္ဌိကံ သာမညဖလံ ပညပေတု”န္တိ။

၁၇၁။ ဧဝံ ဝုတ္ထေ ဘန္တေ အဇိတော ကေသကမ္မလော မံ တေဒဝေါစ
 “နတ္ထိ မဟာရာဇ ဒိန္နံ၊ နတ္ထိ ယိဋ္ဌံ၊ နတ္ထိ ဟုတံ၊ နတ္ထိ သုကတဒုက္ခဉာနံ ကမ္မာနံ ဖလံ ဝိပါကော၊ နတ္ထိ အယံ လောကော၊ နတ္ထိ ပရော လောကော၊ နတ္ထိ မာတာ၊ နတ္ထိ ဝိတာ၊ နတ္ထိ သတ္တာ ဩပပါတိကာ၊ နတ္ထိ လောကေ သမဏ- ဗြာဟ္မဏာ သမ္မဂ္ဂတာ၊ သမ္မာပုဋိပန္နာ၊ ယေ ဣမဉ္စ လောကံ ပရဉ္စ လောကံ

၁-ပရလောကော (သျှာ) ၂-သမဂ္ဂတာ (က)၊ သမဂ္ဂတာ (သျှာ)

သယံ အဘိညာ သစ္စိကတွာ ပဝေဒေန္တိ။ စာတုမဟာဘူတိကော အယံ ပုရိသော၊ ယဒါ ကာလံ ကရောတိ၊ ပထဝီ ပထဝီကာယံ အနုပေတိ အနုပ-
 ဂစ္ဆတိ၊ အာပေါ အာပေါကာယံ အနုပေတိ အနုပဂစ္ဆတိ၊ တေဇော
 တေဇောကာယံ အနုပေတိ အနုပဂစ္ဆတိ၊ ဝါယော ဝါယောကာယံ အနုပေတိ
 အနုပဂစ္ဆတိ၊ အာကာသံ ဣန္ဒြိယာနိ သင်္ကမန္တိ၊ အာသန္ဓိပဉ္စမာ ပုရိသာ
 မတံ အာဒါယ ဂစ္ဆန္တိ၊ ယာဝါဠာဟနာ ပဒါနိ ပညာယန္တိ၊ ကာပေါတကာနိ
 အဋ္ဌိနိ ဘဝန္တိ၊ ဘဿန္တာ အာဟုတိယော၊ ဒတ္တုပညတ္တံ ယဒိဒံ ဒါနံ၊ တေသံ
 တုစ္စံ မုသာ ဝိလာပေါ၊ ယေ ကေစိ အတ္ထိကဝါဒံ ဝဒန္တိ၊ ဗာလေ စ
 ပဏှိတေ စ ကာယဿ ဘေဒါ ဥစ္ဆိဇန္တိ ဝိနဿန္တိ၊ န ဟောန္တိ ပရံ
 မရဏာ”တိ။

၁၇၂။ ဣတ္ထံ ခေါ မေ ဘန္တေ အဇိတော ကေသကမ္မလော သန္ဓိဋ္ဌိကံ
 သာမညဗလံ ပုဋ္ဌော သမာနော ဥစ္ဆေဒံ ဗျာကာသိ။ သေယျထာပိ ဘန္တေ အမ္ပံ
 ဝါ ပုဋ္ဌော လဗုဇံ ဗျာကရေယျ၊ လဗုဇံ ဝါ ပုဋ္ဌော အမ္ပံ ဗျာကရေယျ။ ဧဝမေဝ
 ခေါ မေ ဘန္တေ အဇိတော ကေသကမ္မလော သန္ဓိဋ္ဌိကံ သာမညဗလံ ပုဋ္ဌော
 သမာနော ဥစ္ဆေဒံ ဗျာကာသိ။ တဿ မယံ ဘန္တေ ဧတဒဟောသိ “ကထံ ဟိ
 နာမ မာဒိသော သမဏံ ဝါ မြာဟ္ဗဏံ ဝါ ဝိဇိတေ ဝသန္တံ အပသာဒေတဗ္ဗံ
 မညေယျာ”တိ။ သော ခေါ အဟံ ဘန္တေ အဇိတဿ ကေသကမ္မလဿ
 ဘာသိတံ နေဝ အဘိနန္တိ နပုဋိက္ကောသိ၊ အနဘိနန္တိတွာ အပုဋိက္ကောသိတွာ
 အနတ္တမနော အနတ္တမနဝါစံ အနိစ္စာရေတွာ တမေဝ ဝါစံ အနဂ္ဂဏှန္တော
 အနိက္ကုဇန္တော ဥဋ္ဌာယာသနာ ပက္ကမိ။

ပကုကေစ္စာယနဝါဒ

၁၇၃။ ဧကမိဒါဟံ ဘန္တေ သမယံ ယေန ပကုဓော ကစ္စာယနော တေနုပ-
 သင်္ကမိ၊ ဥပသင်္ကမိတွာ ပကုဓေန ကစ္စာယနေန သဋ္ဌိံ သမ္မောဒိ၊ သမ္မောဒနိယံ
 ကထံ သာရဏီယံ ဝိတိသာရေတွာ ဧကမန္တံ နိသိဒိ၊ ဧကမန္တံ နိသိန္နော ခေါ
 အဟံ ဘန္တေ ပကုဓံ ကစ္စာယနံ ဧတဒဝေါစံ “ယထာ န ခေါ ဣမာနိ ဘော
 ကစ္စာယန ပုထုသိပ္ပိယတနာနိ။ပ။ သက္ကာ န ခေါ ဘော ကစ္စာယန ဧဝမေဝ
 ဒိဋ္ဌေဝ ဓမ္မေ သန္ဓိဋ္ဌိကံ သာမညဗလံ ပညပေတု”န္တိ။

၁၇၄။ ဧဝံ ပုတ္တေ ဘန္တေ ပကုဓော ကစ္စာယနော မံ ဧတဒဝေါစံ “သတ္ထိမေ
 မဟာရာဇ ကာယာ အကဋ္ဌာ အကဋ္ဌဝိဓော အနိမ္မိတာ အနိမ္မာတာ ဝဉ္စျာ

ကုဋ္ဌာ သေကဋ္ဌာယိဋ္ဌိတာ၊ တေ န ဣဉ္ဇန္တိ၊ န ဝိပရိကာမေန္တိ၊ န အညမညံ ဗျာဗာမေန္တိ၊ နာလံ အညမညဿ သုခါယ ဝါ ဒုက္ခာယ ဝါ သုခဒုက္ခာယ ဝါ။ ကတမေ သတ္တ၊ ပထဝိကာယော၊ အာပေါကာယော၊ တေဇောကာယော၊ ဝါယောကာယော၊ သုခေ ဒုက္ခေ၊ ဇီဝေ သတ္တမေ။ ဣမေ သတ္တ ကာယာ အကဋ္ဌာ အကဋ္ဌဝိဓာ အနိဗ္ဗိတာ အနိဗ္ဗာတာ ဝဉ္ဇျာ ကုဋ္ဌာ သေကဋ္ဌာ-ယိဋ္ဌိတာ၊ တေ န ဣဉ္ဇန္တိ၊ န ဝိပရိကာမေန္တိ၊ န အညမညံ ဗျာဗာမေန္တိ၊ နာလံ အညမညဿ သုခါယ ဝါ ဒုက္ခာယ ဝါ သုခဒုက္ခာယ ဝါ။ တတ္ထ နတ္ထိ ဟန္တာ ဝါ ဃာတေကာ ဝါ၊ သောတာ ဝါ သာဝေတာ ဝါ၊ ဝိညာတာ ဝါ ဝိညာပေတာ ဝါ၊ ယောပိ တိဏှေန သတ္တေန သီသံ ဆိန္ဒတိ၊ န ကောစိ ကိဉ္စိ ဇီဝိတာ ဝေါရောပေတိ၊ သတ္တန္တံ တွေဝ^၂ ကာယာနမန္တရေန သတ္ထံ ဝိဝရမနုပတဟိ”တိ။

၁၇၅။ ဣတ္ထံ ခေါ မေ ဘန္တေ ပကုဓော ကစ္စာယနော သန္ဓိဋ္ဌိကံ သာမည-ဖလံ ပုဋ္ဌော သမာနော အညေန အညံ ဗျာကာသိ။ သေယျထာပိ ဘန္တေ အဗ္ဗံ ဝါ ပုဋ္ဌော လပုဇံ ဗျာကရေယျ၊ လပုဇံ ဝါ ပုဋ္ဌော အဗ္ဗံ ဗျာကရေယျ။ ဧဝမေဝ ခေါ မေ ဘန္တေ ပကုဓော ကစ္စာယနော သန္ဓိဋ္ဌိကံ သာမညဖလံ ပုဋ္ဌော သမာနော အညေန အညံ ဗျာကာသိ။ တဿ မယံ ဘန္တေ တေဒဟောသိ “ကထံ ဟိ နာမ မာဒိသော သမဏံ ဝါ မြာဟုဏံ ဝါ ဝိဇိတေ ဝသန္တံ အပသာဒေတဗ္ဗံ မညေယျာ”တိ။ သော ခေါ အဟံ ဘန္တေ ပကုဓဿ ကစ္စာယနဿ ဘာသိတံ နေဝ အဘိနန္ဒိ နပုဋ္ဌိက္ကောသိ၊ အနဘိနန္ဒိတွာ အပုဋ္ဌိက္ကောသိတွာ အနတ္တမနော အနတ္တမနဝါစံ အနိစ္စာရေတွာ တမေဝ ဝါစံ အနုဂ္ဂဏန္တော အနိက္ကုဇန္တော ဥဋ္ဌာယာသနာ ပက္ကမိ။

နိဂဏ္ဌနာဠပုတ္တဝါဒ

၁၇၆။ ဧကမိဒါဟံ ဘန္တေ သမယံ ယေန နိဂဏ္ဌော နာဠပုတ္တော တေန-ပသက်မိ၊ ဥပသက်မိတွာ နိဂဏ္ဌေန နာဠပုတ္တေန သဒ္ဓိံ သမ္မောဒိ၊ သမ္မောဒနိယံ ကထံ သာရဏီယံ ဝိတိသာရေတွာ ဧကမန္တံ နိသိဒိ၊ ဧကမန္တံ နိသိန္တော ခေါ အဟံ ဘန္တေ နိဂဏ္ဌိ နာဠပုတ္တံ တေဒဝေါစံ “ယထာ န ခေါ ဣမာနိ ဘော အဂ္ဂိဝေဿန ပုထုသိပ္ပါယတနာနိ။ပ။ သက္ကာ န ခေါ ဘော အဂ္ဂိဝေဿန ဧဝမေဝ ဒိဋ္ဌေဝ ဓမ္မေ သန္ဓိဋ္ဌိကံ သာမညဖလံ ပညပေတု”န္တိ။

၁-ကဒ္ဓိ (ကံ) ၂-သတ္တန္တံ ယေဝ (သိ၊ သျာ၊ ကံ၊ ဣ)

၁၇၇။ ဧဝံ ဝုတ္တေ ဘန္တေ နိဂဏ္ဍော နာဇုပုတ္တော မံ တေဒဝေါစ “ဣဓ မဟာရာဇ နိဂဏ္ဍော စာတုယာမသံဝရသံဝုတော ဟောတိ။ ကထဉ္စ မဟာရာဇ နိဂဏ္ဍော စာတုယာမသံဝရသံဝုတော ဟောတိ။ ဣဓ မဟာရာဇ နိဂဏ္ဍော သဗ္ဗဝါရိဝါရိတော စ ဟောတိ၊ သဗ္ဗဝါရိယုတ္တော စ၊ သဗ္ဗဝါရိဓုတော စ၊ သဗ္ဗဝါရိဖုဇော စ။ ဧဝံ ခေါ မဟာရာဇ နိဂဏ္ဍော စာတုယာမသံဝရသံဝုတော ဟောတိ၊ ယတော ခေါ မဟာရာဇ နိဂဏ္ဍော ဧဝံ စာတုယာမသံဝရသံဝုတော ဟောတိ။ အယံ ဝုစ္စတိ မဟာရာဇ နိဂဏ္ဍော ဝ ဂတတ္တော စ ယတတ္တော စ ဝိတတ္တော စ” တိ။

၁၇၈။ ဣတ္ထံ ခေါ မေ ဘန္တေ နိဂဏ္ဍော နာဇုပုတ္တော သန္ဓိဋ္ဌိကံ သာမညဇလံ ပုဋ္ဌော သမာနော စာတုယာမသံဝရံ ဗျာကာသိ။ သေယျထာပိ ဘန္တေ အဗ္ဗံ ဝါ ပုဋ္ဌော လဗုဇံ ဗျာကရေယျ၊ လဗုဇံ ဝါ ပုဋ္ဌော အဗ္ဗံ ဗျာကရေယျ။ ဧဝမေဝ ခေါ မေ ဘန္တေ နိဂဏ္ဍော နာဇုပုတ္တော သန္ဓိဋ္ဌိကံ သာမညဇလံ ပုဋ္ဌော သမာနော စာတုယာမသံဝရံ ဗျာကာသိ။ တဿ မယံ ဘန္တေ တေဒဟောသိ “ကထံ ဟိ နာမ မာဒိသော သမဏံ ဝါ မြာဟ္ဗဏံ ဝါ ဝိဇိတေ ဝသန္တံ အပသာဒေတဗ္ဗံ မညေယျာ” တိ။ သော ခေါ အဟံ ဘန္တေ နိဂဏ္ဍဿ နာဇုပုတ္တဿ ဘာသိတံ နေဝ အဘိနန္ဒိ နပုဋ္ဌိက္ကောသိ၊ အနဘိနန္ဒိတွာ အပုဋ္ဌိက္ကောသိတွာ အနတ္တမနော အနတ္တမနဝါစံ အနိစ္စာရေတွာ တမေဝ ဝါစံ အနုဂ္ဂဏှန္တော အနိက္ကုဇန္တော ဥဋ္ဌာယာသနာ ပက္ကမိ။

သဉ္ဇယဗေလဋ္ဌပုတ္တဝါစ

၁၇၉။ ဧကမိဒါဟံ ဘန္တေ သမယံ ယေန သဉ္ဇယော ဗေလဋ္ဌပုတ္တော တေနပသက်မိ၊ ဥပသက်မိတွာ သဉ္ဇယေန ဗေလဋ္ဌပုတ္တေန သဗ္ဗိံ သမ္မောဒိ၊ သမ္မောဒနိယံ ကထံ သာရဏိယံ ဝိတိသာရေတွာ ဧကမန္တံ နိသိဒိ၊ ဧကမန္တံ နိသိန္ဒော ခေါ အဟံ ဘန္တေ သဉ္ဇယံ ဗေလဋ္ဌပုတ္တံ တေဒဝေါစံ “ယထာ န ခေါ ဣမာနိ ဘော သဉ္ဇယ ပုထုသိပ္ပာယတနာနိ။ ပ။ သက္ကာ န ခေါ ဘော သဉ္ဇယ ဧဝမေဝ ဒိဋ္ဌေဝ ဓမ္မေ သန္ဓိဋ္ဌိကံ သာမညဇလံ ပညပေတု” န္တိ။

၁၈၀။ ဧဝံ ဝုတ္တေ ဘန္တေ သဉ္ဇယော ဗေလဋ္ဌပုတ္တော မံ တေဒဝေါစ “အတ္ထိ ပရော လောကောတိ ဣတိ စေ မံ ပုစ္ဆသိ၊ အတ္ထိ ပရော လောကောတိ ဣတိ စေ မေ အဿ၊ အတ္ထိ ပရော လောကောတိ ဣတိ တေ နံ ဗျာကရေယျ၊ ဧဝန္တိပိ မေ နော၊ တထာတိပိ မေ နော၊ အညထာတိပိ မေ နော၊ နောတိပိ

၁-နိဂဏ္ဍော နာဇုပုတ္တော (သျှ၊ က)

မေ နော၊ နော နောတိပိ မေ နော။ နတ္ထိ ပရော လောကော။ပ။ အတ္ထိ စ နတ္ထိ စ ပရော လောကော။ပ။ နေဝတ္ထိ န နတ္ထိ ပရော လောကော။ပ။ အတ္ထိ သတ္တာ ဩပပါတိကာ။ပ။ နတ္ထိ သတ္တာ ဩပပါတိကာ။ပ။ အတ္ထိ စ နတ္ထိ စ သတ္တာ ဩပပါတိကာ။ပ။ နေဝတ္ထိ န နတ္ထိ သတ္တာ ဩပပါတိကာ။ပ။ အတ္ထိ သုကတဒုက္ကဋ္ဌာနံ ကမ္မာနံ ဖလံ ဝိပါကော။ပ။ နတ္ထိ သုကတဒုက္ကဋ္ဌာနံ ကမ္မာနံ ဖလံ ဝိပါကော။ပ။ အတ္ထိ စ နတ္ထိ စ သုကတဒုက္ကဋ္ဌာနံ ကမ္မာနံ ဖလံ ဝိပါကော။ပ။ နေဝတ္ထိ န နတ္ထိ သုကတဒုက္ကဋ္ဌာနံ ကမ္မာနံ ဖလံ ဝိပါကော။ပ။ ဟောတိ တထာဂတော ပရံ မရဏာ။ပ။ န ဟောတိ တထာဂတော ပရံ မရဏာ။ပ။ ဟောတိ စ န စ ဟောတိ တထာဂတော ပရံ မရဏာ။ပ။ နေဝ ဟောတိ န န ဟောတိ တထာဂတော ပရံ မရဏာတိ ဣတိ စေ မံ ပုစ္ဆသိ၊ နေဝ ဟောတိ န န ဟောတိ တထာဂတော ပရံ မရဏာတိ ဣတိ စေ မေ အဿ၊ နေဝ ဟောတိ န န ဟောတိ တထာဂတော ပရံ မရဏာတိ ဣတိ တေ နံ ဗျာကရေယျံ၊ ဧဝန္တိပိ မေ နော၊ တထာတိပိ မေ နော၊ အညထာတိပိ မေ နော၊ နောတိပိ မေ နော၊ နော နောတိပိ မေ နော”တိ။

၁၀၁။ ဣတ္ထိ ခေါ မေ ဘန္တေ သဉ္စယော ဗေလဋ္ဌပုတ္တော သန္တိဋ္ဌိကံ သာမညဇလံ ပုဋ္ဌော သမာနော ဝိက္ခေပံ ဗျာကာသိ။ သေယျထာပိ ဘန္တေ အမ္ပံ ဝါ ပုဋ္ဌော လဗုဇံ ဗျာကရေယျ၊ လဗုဇံ ဝါ ပုဋ္ဌော အမ္ပံ ဗျာကရေယျ။ ဧဝမေဝ ခေါ မေ ဘန္တေ သဉ္စယော ဗေလဋ္ဌပုတ္တော သန္တိဋ္ဌိကံ သာမညဇလံ ပုဋ္ဌော သမာနော ဝိက္ခေပံ ဗျာကာသိ။ တဿ မယှံ ဘန္တေ ဧတဒဟောသိ “အယဉ္စ ဣမေသံ သမဏဗြာဟ္မဏာနံ သဗ္ဗဗာလော သဗ္ဗမုဋ္ဌော၊ ကထံ ဟိ နာမ သန္တိဋ္ဌိကံ သာမညဇလံ ပုဋ္ဌော သမာနော ဝိက္ခေပံ ဗျာကရိဿတိ”တိ။ တဿ မယှံ ဘန္တေ ဧတဒဟောသိ “ကထံ ဟိ နာမ မာဒိသော သမဏံ ဝါ ဗြာဟ္မဏံ ဝါ ဝိဇိတေ ဝသန္တံ အပသာဒေတဗ္ဗိ မညေယျာ”တိ။ သော ခေါ အဟံ ဘန္တေ သဉ္စယဿ ဗေလဋ္ဌပုတ္တဿ ဘာသိတံ နေဝ အဘိနန္တိ နပုဋ္ဌိက္ကောသိ၊ အဘိနန္တိတွာ အပုဋ္ဌိက္ကောသိတွာ အနတ္တမနော အနတ္တမနဝါစံ အနိစ္စာရေတွာ တမေဝ ဝါစံ အနုဂဏန္တော အနိက္ကုဋ္ဌန္တော ဥဋ္ဌာယာသနာ ပက္ကမိ။

ပဌမသန္တိကသာမညဇလ

၁၀၂။ သောဟံ ဘန္တေ ဘဂဝန္တမ္ပိ ပုစ္ဆာမိ “ယထာ န ခေါ ဣမာနိ ဘန္တေ ပုထုသိပ္ပါယတနာနိ။ သေယျထိဒံ၊ ဟတ္ထာရောဟာ အဿာရောဟာ ရထိကာ

နေဂ္ဂဟာ စေလကာ စလကာ ပိဏ္ဍဒါယကာ ဥဂ္ဂါ ရာဇပုတ္တာ ပက္ခန္ဓိနော မဟာနာဂါ သူရာ စမ္ပယောဓိနော ဒါသိကပုတ္တာ အာဠာရိကာ ကပ္ပကာ နှာပကာ သူဒါ မာလကာရာ ရဇကာ ပေသကာရာ နဋ္ဌကာရာ ကုမ္ဘကာရာ ဂဏကာ မုဒ္ဒိကာ၊ ယာနိ ဝါ ပနညာနိပိ ဧဝံဂတာနိ ပုထုသိပ္ပါယတနာနိ၊ တေ ဒိဋ္ဌေဝ ဓမ္မေ သဒ္ဓိဋ္ဌိကံ သိပ္ပဖလံ ဥပဇီဝန္တိ၊ တေ တေန အတ္တာနံ သုခေန္တိ ပီဏေန္တိ၊ မာတာပိတရော သုခေန္တိ ပီဏေန္တိ၊ ပုတ္တဒါရံ သုခေန္တိ ပီဏေန္တိ၊ မိတ္တာမစ္စေ သုခေန္တိ ပီဏေန္တိ၊ သမဏဗြာဟ္မဏေသု ဥဒ္ဓဂ္ဂိကံ ဒက္ခိဏံ ပတိဋ္ဌပေန္တိ သောဝဂ္ဂိကံ သုခဝိပါကံ သဂ္ဂသံဝတ္တနိကံ။ သက္ကာ န ခေါ ဘန္တေ ဧဝမေဝ ဒိဋ္ဌေဝ ဓမ္မေ သဒ္ဓိဋ္ဌိကံ သာမညဖလံ ပညပေတု”န္တိ။

၁၈၃။ သက္ကာ မဟာရာဇ၊ တေန ဟိ မဟာရာဇ တညေဝေတ္ထ ပဋိပုစ္ဆိဿာမိ၊ ယထာ တေ ခမေယျ၊ တထာ တံ ဗျာကရေယျာသိ။ တံ ကိ မညသိ မဟာရာဇ။ ဣဓ တေ အဿ ပုရိသော ဒါသော ကမ္မကာရော^၁ ပုဗ္ဗုဋ္ဌာယိ ပစ္ဆာနိပါတိ ကိကာရပဋိဿာဝီ မနာပစာရိ ပိယဝါဒီ မုခုလ္လောကကော^၂။ တဿ ဧဝမဿ “အစ္စရိယံ ဝတ ဘော အတ္တုတံ ဝတ ဘော ပညာနံ ဂတိ ပညာနံ ဝိပါကော၊ အယံ ဟိ ရာဇာ မာဂဓော အဇာတသတ္တု ဝေဒေဟိပုတ္တော မနုဿော၊ အဟဗ္ဗိ မနုဿော၊ အယံ ဟိ ရာဇာ မာဂဓော အဇာတသတ္တု ဝေဒေဟိပုတ္တော ပဉ္စဟိ ကာမဂုဏေဟိ သမပ္ပိတော သမင်္ဂိဘူတော ပရိစာရေတိ ဒေဝေါ မညေ၊ အဟံ ပနမှိဿ ဒါသော ကမ္မကာရော ပုဗ္ဗုဋ္ဌာယိ ပစ္ဆာနိပါတိ ကိကာရပဋိဿာဝီ မနာပစာရိ ပိယဝါဒီ မုခုလ္လောကကော၊ သော ဝတဿာဟံ ပညာနိ ကရေယျံ၊ ယံနုနာဟံ ကေသမဿံ ဩဟာရေတွာ ကာသာယာနိ ဝတ္တာနိ အစ္စာဒေတွာ အဂါရသ္မာ အနဂါရိယံ ပဗ္ဗဇေယျ”န္တိ။ သော အပရေန သမယေန ကေသမဿံ ဩဟာရေတွာ ကာသာယာနိ ဝတ္တာနိ အစ္စာဒေတွာ အဂါရသ္မာ အနဂါရိယံ ပဗ္ဗဇေယျ၊ သော ဧဝံ ပဗ္ဗဇိတော သမာနော ကာယေန သံဝုတော ဝိဟရေယျ၊ ဝါစာယ သံဝုတော ဝိဟရေယျ၊ မနသာ သံဝုတော ဝိဟရေယျ၊ ဃာသစ္စာဒန- ပရမတာယ သန္တုဋ္ဌော၊ အဘိရတော ပဝိဝေကေ။ တံ ဇေ တေ ပုရိသာ ဧဝမာရောစေယျံ “ယဠေ ဒေဝ ဇာနေယျာသိ၊ ယော တေ သော ပုရိသော? ဒါသော ကမ္မကာရော ပုဗ္ဗုဋ္ဌာယိ ပစ္ဆာနိပါတိ ကိကာရပဋိဿာဝီ မနာပစာရိ ပိယဝါဒီ မုခုလ္လောကကော၊ သော ဒေဝ ကေသမဿံ ဩဟာရေတွာ ကာသာ- ယာနိ ဝတ္တာနိ အစ္စာဒေတွာ အဂါရသ္မာ အနဂါရိယံ ပဗ္ဗဇိတော၊ သော ဧဝံ

၁-ကမ္မကာရော (သီ၊ သျ၊ ကံ၊ ဣ) ၂-မုခုလ္လောကိကော (သျ၊ ကံ၊ က) ၃-ယော တေ ပုရိသော (သီ၊ က)

ပဗ္ဗဇိတော သမာနော ကာယေန သံဝုတော ဝိဟရတိ၊ ဝါစာယ သံဝုတော ဝိဟရတိ၊ မနသာ သံဝုတော ဝိဟရတိ၊ သာသန္တာဒနပရမတာယ သန္တုဋ္ဌော၊ အဘိရတော ပဝိဝေကေ”တိ။ အပိ န တံ ဧဝံ ဝဒေယျာသိ “ဧတု မေ ဘော သော ပုရိသော၊ ပုနဒေဝ ဟောတု ဒါသော ကမ္မကာရော ပုဗ္ဗုဋ္ဌာယိ ပစ္ဆာနိပါတိ ကိံကာရပဋိဿာပိ မနာပစာရိ ပိယဝါဒိ မုခုလ္လောကကော”တိ။

၁၈၄။ နောဟေတံ ဘန္တေ၊ အထ ခေါ နံ မယမေဝ အဘိဝါဒေယျာမပိ ပစ္စုဋ္ဌေယျာမပိ အာသနေနပိ နိမန္တေယျာမ အဘိနိမန္တေယျာမပိ နံ စိဝရ-
ပိက္ကပါတသေနာသနဂိလာနပ္ပစ္စယဘေသဇ္ဇပရိက္ခာရေဟိ၊ ဓမ္မိကမ္ပိဿ ရက္ခာ-
ဝရဏဂုတ္တိံ သံဝိဒဟေယျာမာတိ။

၁၈၅။ တံ ကိံ မညသိ မဟာရာဇ။ ယဒိ ဧဝံ သန္တေ ဟောတိ ဝါ သန္တိဋ္ဌိကံ သာမညဖလံ နော ဝါတိ။ အဗ္ဗါ ခေါ ဘန္တေ ဧဝံ သန္တေ ဟောတိ သန္တိဋ္ဌိကံ သာမညဖလန္တိ။ ဣဒံ ခေါ တေ မဟာရာဇ မယာ ပဌမံ ဒိဋ္ဌေဝ ဓမ္မေ သန္တိဋ္ဌိကံ သာမညဖလံ ပညတ္တန္တိ။

ဒုတိယသန္တိဋ္ဌိကသာမညဖလ

၁၈၆။ သက္ကာ ပန ဘန္တေ အညမ္ပိ ဧဝမေဝ ဒိဋ္ဌေဝ ဓမ္မေ သန္တိဋ္ဌိကံ သာမညဖလံ ပညပေတုန္တိ။ သက္ကာ မဟာရာဇ၊ တေန ဟိ မဟာရာဇ တညေဝေတ္ထ ပဋိပုစ္ဆိဿာမိ၊ ယထာ တေ ခမေယျ၊ တထာ နံ ဗျာကရေယျာသိ။ တံ ကိံ မညသိ မဟာရာဇ။ ဣမ တေ အဿ ပုရိသော ကဿကော ဂဟပတိကော ကရကာရကော ရာသိဝဓုကော။ တဿ ဧဝမဿ “အစ္ဆရိယံ ဝတ ဘော အတ္တုတံ ဝတ ဘော ပုညာနံ ဂတိ ပုညာနံ ဝိပါကော၊ အယံ ဟိ ရာဇာ မာဂဓော အဇာတသတ္တု ဝေဒေဟိပုတ္တော မနုဿော၊ အဟမ္ပိ မနုဿော၊ အယံ ဟိ ရာဇာ မာဂဓော အဇာတသတ္တု ဝေဒေဟိပုတ္တော ပဉ္စဟိ ကာမဂုဏေဟိ သမပ္ပိတော သမဂီဘူတော ပရိစာရေတိ ဒေဝေါ မညေ၊ အဟံ ပနမ္ပိဿ ကဿကော ဂဟပတိကော ကရကာရကော ရာသိဝဓုကော၊ သော ဝတဿာဟံ ပုညာနိ ကရေယျံ၊ ယံနုနာဟံ ကေသမဿံ ဩဟာရေတွာ ကာသာယာနိ ဝတ္တာနိ အစ္ဆာဒေတွာ အဂါရသ္မာ အနဂါရိယံ ပဗ္ဗဇေယျ”န္တိ။

သော အပရေန သမယေန အပ္ပံ ဝါ ဘောဂက္ခန္ဓံ ပဟာယ မဟန္တံ ဝါ ဘောဂက္ခန္ဓံ ပဟာယ အပ္ပံ ဝါ ဣတိပရိဝနံ ပဟာယ မဟန္တံ ဝါ ဣတိပရိဝနံ ပဟာယ ကေသမဿံ ဩဟာရေတွာ ကာသာယာနိ ဝတ္တာနိ အစ္ဆာဒေတွာ

အဂါရဿ အနဂါရိယံ ပဗ္ဗဇေယျ၊ သော ဧဝံ ပဗ္ဗဇိတော သမာနော ကာယေန သံဝုတော ဝိဟရေယျ၊ ဝါစာယ သံဝုတော ဝိဟရေယျ၊ မနသာ သံဝုတော ဝိဟရေယျ၊ ဃာသစ္စာဒနပရမတာယ သန္တုဋ္ဌော၊ အဘိရတော ပဝိဝေကေ။ တံ စေ တေ ပုရိသာ ဧဝမာရောစေယျ၊ “ယဋ္ဌေ ဒေဝ ဇာနေယျာသိ၊ ယော တေ သော ပုရိသော” ကဿကော ဂဟပတိကော ကရကာရကော ရာသိ-ဝခုကော၊ သော ဒေဝ ကေသမဿံ ဩဟာရေတွာ ကာသာယာနိ ဝတ္ထာနိ အစ္စာဒေတွာ အဂါရဿ အနဂါရိယံ ပဗ္ဗဇိတော၊ သော ဧဝံ ပဗ္ဗဇိတော သမာနော ကာယေန သံဝုတော ဝိဟရတိ၊ ဝါစာယ သံဝုတော ဝိဟရတိ၊ မနသာ သံဝုတော ဝိဟရတိ၊ ဃာသစ္စာဒနပရမတာယ သန္တုဋ္ဌော၊ အဘိရတော ပဝိဝေကေ” တိ။ အပိ နု တံ ဧဝံ ဝဒေယျာသိ “ဧတု မေ ဘော သော ပုရိသော၊ ပုနဒေဝ ဟောတု ကဿကော ဂဟပတိကော ကရကာရကော ရာသိ-ဝခုကော” တိ။

၁၀၇။ နောဟေတံ ဘန္တေ၊ အထ ခေါ နံ မယမေဝ အဘိဝါဒေယျာမပိ ပစ္စုဋ္ဌေယျာမပိ အာသနေနပိ နိမန္တေယျာမ အဘိနိမန္တေယျာမပိ နံ စီဝရ-ပိဏ္ဍပါတသေနာသနဂိလာနပ္ပစ္စယဘေသဇ္ဇပရိက္ခာရေဟိ၊ ဓမ္မိကမ္ပိဿ ရက္ခာ-ဝရဏဂုတ္တိံ သံဝိဒဟေယျာမာတိ။

၁၀၈။ တံ ကိံ မညသိ မဟာရာဇ။ ယဒိ ဧဝံ သန္တေ ဟောတိ ဝါ သန္တိဋ္ဌိကံ သာမညဗလံ နော ဝါတိ။ အဒ္ဓါ ခေါ ဘန္တေ ဧဝံ သန္တေ ဟောတိ သန္တိဋ္ဌိကံ သာမညဗလန္တိ။ ဣဒံ ခေါ တေ မဟာရာဇ မယာ ဒုတိယံ ဒိဋ္ဌေဝ ဓမ္မေ သန္တိဋ္ဌိကံ သာမညဗလံ ပညတ္တန္တိ။

ပဏီတတရသာမညဗလ

၁၀၉။ သက္ကာ ပန ဘန္တေ အညမ္ပိ ဒိဋ္ဌေဝ ဓမ္မေ သန္တိဋ္ဌိကံ သာမညဗလံ ပညပေတံ ဣမေဟိ သန္တိဋ္ဌိကေဟိ သာမညဗလေဟိ အဘိက္ကန္တတရဉ္စ ပဏီတ-တရဉ္စာတိ။ သက္ကာ မဟာရာဇ၊ တေန ဟိ မဟာရာဇ သုဏောဟိ သာဓုကံ မနသိ ကရောဟိ ဘာသိဿာမီတိ။ “ဧဝံ ဘန္တေ” တိ ခေါ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝတော ပစ္စသောသိ။

၁၉၀။ ဘဂဝါ ဧတဒဝေါစ၊ ဣမ မဟာရာဇ တထာဂတော လောကေ ဥပ္ပဇ္ဇတိ အရဟံ သမ္မာသမ္ဗုဒ္ဓေါ ဝိဇ္ဇာစရဏသမ္ပန္နော သုဂတော လောကဝိဒ္ဓု အနုတ္တရော ပုရိသဒမ္မသာရထိ သတ္တာ ဒေဝမနုဿာနံ ဗုဒ္ဓေါ ဘဂဝါ၊ သော

၁-ယော တေ ပုရိသော (သိ)

ဣမံ လောကံ သဒေဝကံ သမာရကံ သဗြဟ္မကံ သဿမဏဗြာဟ္မဏီံ ပဇံ သဒေဝမနုဿံ သယံ အဘိညာ သတ္တိကတွာ ပဝေဒေတိ၊ သော ဓမ္မံ ဒေသေတိ အာဒိကလျာဏံ မဇ္ဈေကလျာဏံ ပရိယောသာနကလျာဏံ သာတ္ထံ သဗျဉ္ဇနံ ကေဝလပရိပုဏ္ဏံ ပရိသုဒ္ဓံ ဗြဟ္မစရိယံ ပကာသေတိ။

၁၉၁။ တံ ဓမ္မံ သုဏာတိ ဂဟပတိ ဝါ ဂဟပတိပုတ္တော ဝါ အညတရသ္မိံ ဝါ ကုလေ ပစ္စာဇာတော၊ သော တံ ဓမ္မံ သုတွာ တထာဂတေ သဒ္ဓံ ပဋိလဘတိ၊ သော တေန သဒ္ဓါပဋိလဘေန သမန္တာဂတော ဣတိ ပဋိသဉ္ဇိက္ခတိ ‘သမ္မာဓော ဃရာဝါသော ရဇောပထော၊ အဗ္ဘောကာသော ပဗ္ဗဇော၊ နယိဒံ သုကရံ အဂါရံ အဇ္ဈာဝသတာ ကေန္တပရိပုဏ္ဏံ ကေန္တပရိသုဒ္ဓံ သင်္ခလိဒိတံ ဗြဟ္မစရိယံ စရိတုံ၊ ယံနနာဟံ ကေသမယံ ဩဟာရေတွာ ကာသာယာနိ ဝတ္ထာနိ အစ္ဆာဒေတွာ အဂါရသ္မာ အနဂါရိယံ ပဗ္ဗဇေယျ’န္တိ။

၁၉၂။ သော အပရေန သမယေန အပ္ပံ ဝါ ဘောဂက္ခန္ဓံ ပဟာယ မဟန္တံ ဝါ ဘောဂက္ခန္ဓံ ပဟာယ အပ္ပံ ဝါ ဉှတိပရိဝနံ ပဟာယ မဟန္တံ ဝါ ဉှတိပရိဝနံ ပဟာယ ကေသမယံ ဩဟာရေတွာ ကာသာယာနိ ဝတ္ထာနိ အစ္ဆာဒေတွာ အဂါရသ္မာ အနဂါရိယံ ပဗ္ဗဇတိ။

၁၉၃။ သော ဧဝံ ပဗ္ဗဇိတော သမာနော ပါတိမောက္ခသံဝရသံဝုတော ဝိဟရတိ အာစာရဂေါစရသမ္ပန္နော၊ အဏုမတ္တေသု ဝဇ္ဇေသု ဘယဒဿာဝိ၊ သမာဒါယ သိက္ခတိ သိက္ခာပဒေသု၊ ကာယကမ္မဝစိကမ္မေန သမန္တာဂတော ကုသလေန၊ ပရိသုဒ္ဓါဇိဝေါ သီလသမ္ပန္နော၊ ဣန္ဒြိယေသု ဂုတ္တဒ္ဓါရော သတိသမ္ပဇညေန သမန္တာဂတော သန္တုဋ္ဌော။

စူဠသီလ

၁၉၄။ ကထဉ္စ မဟာရာဇ ဘိက္ခု သီလသမ္ပန္နော ဟောတိ။ ဣမ မဟာရာဇ ဘိက္ခု ပါဏာတိပါတံ ပဟာယ ပါဏာတိပါတာ ပဋိဝိရတော ဟောတိ နိဟိတဒဏ္ဍော နိဟိတသတ္တော လဇ္ဇိ ဒယာပန္နော၊ သဗ္ဗပါဏဘူတဟိတာနုကမ္ပိ ဝိဟရတိ။ ဣဒမ္ပိဿ ဟောတိ သီလသ္မိံ။

အဒိန္နာဒါနံ ပဟာယ အဒိန္နာဒါနာ ပဋိရိရတော ဟောတိ ဒိန္နာဒါယိ ဒိန္နပါဠိကဒိ၊ အထေနေန သုစိဘူတေန အတ္တနာ ဝိဟရတိ။ ဣဒမ္ဗိဿ ဟောတိ သီလသ္မိံ။

အဗြဟ္မစရိယံ ပဟာယ ဗြဟ္မစာရိ ဟောတိ အာရာစာရိ ဝိရတော မေထုနာ ဂါမဓမ္မာ။ ဣဒမ္ဗိဿ ဟောတိ သီလသ္မိံ။

မုသာဝါဒိ ပဟာယ မုသာဝါဒါ ပဋိရိရတော ဟောတိ သစ္စဝါဒီ သစ္စသန္ဓော ထေတော ပစ္စယိကော အဝိသံဝါဒကော လောကဿ။ ဣဒမ္ဗိဿ ဟောတိ သီလသ္မိံ။

ပိသုဏံ ဝါစံ ပဟာယ ပိသုဏာယ ဝါစာယ ပဋိရိရတော ဟောတိ၊ ဣတော သုတွာ န အမုတြိ အက္ခာတာ ဣမေသံ ဘေဒါယ၊ အမုတြိ ဝါ သုတွာ န ဣမေသံ အက္ခာတာ အမူသံ ဘေဒါယ၊ ဣတိ ဘိန္နာနံ ဝါ သန္ဓာတာ၊ သဟိတာနံ ဝါ အနုပ္ပဒါတာ၊ သမဂ္ဂါရာမော သမဂ္ဂရတော သမဂ္ဂနန္ဒိ သမဂ္ဂကရဏိံ ဝါစံ ဘာသိတာ ဟောတိ။ ဣဒမ္ဗိဿ ဟောတိ သီလသ္မိံ။

ဖရူသံ ဝါစံ ပဟာယ ဖရူသာယ ဝါစာယ ပဋိရိရတော ဟောတိ၊ ယာ သာ ဝါစာ နေလာ ကဏ္ဍသုခါ ပေမနိယာ ဟဒယင်္ဂမာ ပေါရိ ဗဟုဇနကန္တာ ဗဟုဇနမနာပါ၊ တထာရူပိံ ဝါစံ ဘာသိတာ ဟောတိ။ ဣဒမ္ဗိဿ ဟောတိ သီလသ္မိံ။

သမ္ဗပ္ပလာပံ ပဟာယ သမ္ဗပ္ပလာပါ ပဋိရိရတော ဟောတိ ကာလဝါဒီ ဘူတဝါဒီ အတ္ထဝါဒီ ဓမ္မဝါဒီ ဝိနယဝါဒီ၊ နိဓာနဝတိံ ဝါစံ ဘာသိတာ ဟောတိ ကာလေန သာပဒေသံ ပရိယန္တဝတိံ အတ္ထသဋ္ဌိတံ။ ဣဒမ္ဗိဿ ဟောတိ သီလသ္မိံ။

ဗီဇဂါမဘူတဂါမသမာရန္တာ ပဋိရိရတော ဟောတိ။ပ။ ဧကဘတ္တိကော ဟောတိ ရတ္တုပရတော ဝိရတော ဝိကာလဘောဇနာ။ နစ္စဂိတဝါဒိတဝိသုကဒဿနာ ပဋိရိရတော ဟောတိ။ မာလာဂန္ဓဝိလေပနဓာရဏမဏ္ဍနဝိဘူသနဋ္ဌာနာ ပဋိရိရတော ဟောတိ။ ဥစ္စာသယနမဟာသယနာ ပဋိရိရတော ဟောတိ။ ဇာတရူပရဇတပဋိဂ္ဂဟဏာ ပဋိရိရတော ဟောတိ။ အာမကဓညပဋိဂ္ဂဟဏာ ပဋိရိရတော ဟောတိ။ အာမကမံသပဋိဂ္ဂဟဏာ ပဋိရိရတော ဟောတိ။ ဣတ္ထိကမခရိတပဋိဂ္ဂဟဏာ ပဋိရိရတော ဟောတိ။ ဒါသိဒါသပဋိဂ္ဂဟဏာ ပဋိရိရတော ဟောတိ။ အဇေဋကပဋိဂ္ဂဟဏာ ပဋိရိရတော ဟောတိ။

ကုက္ကုဒ္ဓသုကရပဋိဂ္ဂဟဏာ ပဋိဝိရတော ဟောတိ။ ဟတ္ထိဂဝဿဝဠဝပဋိဂ္ဂဟဏာ ပဋိဝိရတော ဟောတိ။ ခေတ္တဝတ္ထုပဋိဂ္ဂဟဏာ ပဋိဝိရတော ဟောတိ။ ဌတေယျ-
 ပဟိဏဂမနာနုယောဂါ ပဋိဝိရတော ဟောတိ။ ကယဝိက္ကယာ ပဋိဝိရတော ဟောတိ။ တုလာကုဋကံသကုဋမာနကုဋာ ပဋိဝိရတော ဟောတိ။ ဥက္ကောဋန-
 ဝဇ္ဇနနိကတိသာစိယောဂါ ပဋိဝိရတော ဟောတိ။ ဆေဒနဝဓဇ္ဇနဝိပရာမောသ-
 အာလောပသဟသာကာရာ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

စူဠသီလံ နိဋ္ဌိတံ။



မဇ္ဈိမသီလ

၁၉၅။ ယထာ ဝါ ပနေကေ ဘောဇ္ဇော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပံ ဗီဇဂါမဘူတဂါမသမာရမ္ဘံ အနုယုတ္တာ ဝိဟရန္တိ။ သေယျထိဒံ၊ မူလဗိဇံ ခန္ဓဗိဇံ ဖဋ္ဌဗိဇံ အဂ္ဂဗိဇံ ဗီဇဗိဇမေဝ ပဉ္စမံ၊ ဣတိ ဧဝရူပါ ဗီဇဂါမဘူတဂါမသမာရမ္ဘာ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၁၉၆။ ယထာ ဝါ ပနေကေ ဘောဇ္ဇော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပံ သန္ဓိမိကာရပရိဘောဂံ အနုယုတ္တာ ဝိဟရန္တိ။ သေယျထိဒံ၊ အန္ဓသန္ဓိမိံ ပါနသန္ဓိမိံ ဝတ္ထသန္ဓိမိံ ယာနသန္ဓိမိံ သယနသန္ဓိမိံ ဂန္ဓသန္ဓိမိံ အာမိသသန္ဓိမိံ ဣတိ ဝါ၊ ဣတိ ဧဝရူပါ သန္ဓိမိကာရပရိဘောဂါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၁၉၇။ ယထာ ဝါ ပနေကေ ဘောဇ္ဇော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပံ ဝိသုကဒဿနံ အနုယုတ္တာ ဝိဟရန္တိ။ သေယျထိဒံ၊ နစ္စံ ဂိတံ ဝါဒိတံ ပေက္ခံ အက္ခာနံ ပါဏိဿရံ ပေတာဠု ကုမ္ဘထူဏံ သောဘနကံ စဏ္ဍာလံ ဝံသံ ဓောဝနံ ဟတ္ထိယုဒ္ဓံ အဿယုဒ္ဓံ မဟိံသယုဒ္ဓံ ဥသဘယုဒ္ဓံ အဇယုဒ္ဓံ မေဏ္ဍယုဒ္ဓံ ကုက္ကုဒ္ဓယုဒ္ဓံ ဝဇ္ဇကယုဒ္ဓံ ဒဏ္ဍယုဒ္ဓံ မုဋ္ဌိယုဒ္ဓံ နိဗ္ဗုဒ္ဓံ ဥယျောမိကံ ဗလဂ္ဂံ သေနာဗျူဟံ အနိကဒဿနံ ဣတိ ဝါ၊ ဣတိ ဧဝရူပါ ဝိသုကဒဿနာ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၁၉၈။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပံ ဇူတပ္ပမာဒဋ္ဌာနာနုယောဂံ အနုယုတ္တာ ဝိဟရန္တိ။ သေယျထိဒံ၊ အဋ္ဌပဒံ ဒသပဒံ အာကာသံ ပရိဟာရပထံ သန္တိကံ ခလိကံ ဘဋိကံ သလာကဟတ္ထံ အက္ခံ ပင်္ဂစီရံ ဝက်ကံ မောက္ခစိကံ စိဂုံလိကံ ပတ္တာဠကံ ရထကံ ဓနုကံ အက္ခရိကံ မနေသိကံ ယထာဝဇ္ဇံ ဣတိ ဝါ။ ဣတိ ဝေရူပါ ဇူတပ္ပမာဒဋ္ဌာနာနုယောဂါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၁၉၉။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပံ ဥစ္စာသယနမဟာသယနံ အနုယုတ္တာ ဝိဟရန္တိ။ သေယျထိဒံ၊ အာသန္တိ^၁ ပလ္လင်္ဂံ ဂေါနကံ စိတ္တကံ ပဋိကံ ပဋုလိကံ တူလိကံ ဝိကတိကံ ဥဒ္ဓလောမိ^၂ ဧကန္တလောမိ^၂ ကဋိဿံ ကောသေယျံ ကုတ္တကံ ဟတ္ထတ္ထရံ အဿတ္ထရံ ရထတ္ထရံ အဇိနပ္ပဝေဏိ^၂ ကဒလိမိဂပဝရပစ္စတ္ထရဏံ သဥတ္တရစ္ဆဒံ ဥဘတောလောဟိတကူပဓာနံ ဣတိ ဝါ။ ဣတိ ဝေရူပါ ဥစ္စာသယနမဟာသယနာ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၀။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပံ မဏ္ဍနဝိဘူသနဋ္ဌာနာနုယောဂံ အနုယုတ္တာ ဝိဟရန္တိ။ သေယျထိဒံ၊ ဥစ္ဆာဒနံ ပရိမဋ္ဌနံ နှာပနံ သမ္မာဟနံ အာဒါသံ အဉ္ဇနံ မာလာဂန္ဓဝိလေပနံ မုခစုဏ္ဍံ မုခလေပနံ ဟတ္ထဗန္ဓံ သီခါဗန္ဓံ ဒဏ္ဍံ နာဠိကံ အသိ^၁ ဆတ္တံ စိတြျပါဟနံ ဥဏီသံ မဏိ^၂ ဝါလဗီဇနိ^၂ ဩဒါတာနိ ဝတ္ထာနိ ဒီဃဒသာနိ ဣတိ ဝါ။ ဣတိ ဝေရူပါ မဏ္ဍနဝိဘူသနဋ္ဌာနာနုယောဂါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၁။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပံ တိရစ္ဆာနကထံ အနုယုတ္တာ ဝိဟရန္တိ။ သေယျထိဒံ၊ ရာဇကထံ စောရကထံ မဟာမတ္တကထံ သေနာကထံ ဘယကထံ ယုဒ္ဓကထံ အန္ဓကထံ ပါနကထံ ဝတ္တကထံ သယနကထံ မာလာကထံ ဂန္ဓကထံ ဉ္ဇတိကထံ ယာနကထံ ဂါမကထံ နိဂမကထံ နဂရကထံ ဇနပဒကထံ ဣတ္ထိကထံ^၂ သူရကထံ ဝိသီခါကထံ ကုမ္ဘဋ္ဌာနကထံ ပုဗ္ဗပေတကထံ နာနတ္တကထံ

၁-ခရံ (သီ၊ဣ)၊အသိ^၁ ခရံ (သျှ၊ကံ)၊ခရံ အသိ^၁ (က)
 ၂-ဣတ္ထိကထံ ပုရိသကထံ ကုမာရကထံ ကုမာရိကထံ (က)

လောကက္ခာယိကံ သမုဒ္ဒက္ခာယိကံ ဣတိဘဝါဘဝကထံ ဣတိ ဝါ၊ ဣတိ ဧဝရူပါယ တိရစ္ဆာနကထာယ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၂။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပံ ဝိဂ္ဂါဟိကကထံ အနုယုတ္တာ ဝိဟရန္တိ။ သေယျထိဒံ၊ န တံ ဣမံ ဓမ္မဝိနယံ အာဇာနာသိ၊ အဟံ ဣမံ ဓမ္မဝိနယံ အာဇာနာမိ၊ ကိံ တံ ဣမံ ဓမ္မဝိနယံ အာဇာနိဿသိ၊ မိစ္ဆာ ပဋိပန္နော တွမသိ၊ အဟမသ္မိ သမ္မာ ပဋိပန္နော၊ သဟိတံ မေ၊ အသဟိတံ တေ၊ ပုရေ ဝစနီယံ ပစ္ဆာ အဝစ၊ ပစ္ဆာ ဝစနီယံ ပုရေ အဝစ၊ အဓိစိဏ္ဏံ တေ ဝိပရာဝတ္တံ၊ အာရောပိတော တေ ဝါဒေါ၊ နိဂ္ဂဟိတော တွမသိ၊ စရ ဝါဒပ္ပမောက္ခာယ၊ နိဗ္ဗေဋ္ဌေဟိ ဝါ သစေ ပဟောသီတိ ဣတိ ဝါ၊ ဣတိ ဧဝရူပါယ ဝိဂ္ဂါဟိကကထာယ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၃။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပံ ဒူတေယျပဟိဏဂမနာနုယောဂံ အနုယုတ္တာ ဝိဟရန္တိ။ သေယျထိဒံ၊ ရညံ၊ ရာဇမဟာမတ္တာနံ၊ ခတ္တိယာနံ၊ ဗြာဟ္မဏာနံ၊ ဂဟပတိကာနံ၊ ကုမာရာနံ “ဣဓ ဂစ္ဆ၊ အမုတြာဂစ္ဆ၊ ဣဒံ ဟရ၊ အမုတြ ဣဒံ အာဟရာ”တိ ဣတိ ဝါ၊ ဣတိ ဧဝရူပါ ဒူတေယျပဟိဏဂမနာနုယောဂါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၄။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ကုဟကာ စ ဟောန္တိ လပကာ စ နေမိတ္တိကာ စ နိပ္ပေသိကာ စ လာဘေန လာဘံ နိဇိဂီသိတာရော စ၊ ဣတိ ဧဝရူပါ ကုဟနလပနာ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

မဇ္ဈိမသီလံ နိဋ္ဌိတံ။



မဟာသီလ

၂၀၅။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ အင်္ဂံ နိမိတ္တံ ဥပ္ပါတံ သုပိနံ လက္ခဏံ မူသိကန္တိန္ဒံ အဂ္ဂိဟောမံ ဒဗ္ဗိဟောမံ ထုသဟောမံ ကဏဟောမံ တဏှုလဟောမံ သပ္ပိဟောမံ

တေလဟောမံ မုခဟောမံ လောဟိတဟောမံ အင်္ဂဝိဇ္ဇာ ဝတ္ထုဝိဇ္ဇာ ခတ္ထဝိဇ္ဇာ သိဝဝိဇ္ဇာ ဘူတဝိဇ္ဇာ ဘူရိဝိဇ္ဇာ အဟိဝိဇ္ဇာ ဝိသဝိဇ္ဇာ ဝိန္ဒိကဝိဇ္ဇာ မူသိကဝိဇ္ဇာ သကုဏဝိဇ္ဇာ ဝါယသဝိဇ္ဇာ ပက္ကဋ္ဌာနံ သရပရိတ္တာဏံ မိဂစက္ကံ ဣတိ ဝါ။ ဣတိ ဝေရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၆။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ မဏိလက္ခဏံ ဝတ္ထုလက္ခဏံ ဒဏ္ဍလက္ခဏံ သတ္ထုလက္ခဏံ အသိလက္ခဏံ ဥသုလက္ခဏံ ဓနုလက္ခဏံ အာဂုဓလက္ခဏံ ဣတ္ထိလက္ခဏံ ပုရိသလက္ခဏံ ကုမာရလက္ခဏံ ကုမာရိလက္ခဏံ ဒါသလက္ခဏံ ဒါသိလက္ခဏံ ဟတ္ထိလက္ခဏံ အဿလက္ခဏံ မဟိံသလက္ခဏံ ဥသဘလက္ခဏံ ဂေါလက္ခဏံ အဇလက္ခဏံ မေဏ္ဍလက္ခဏံ ကုက္ကုဋ္ဌလက္ခဏံ ဝဇ္ဇကလက္ခဏံ ဂေါဓာလက္ခဏံ ကဏ္ဍိကလက္ခဏံ ကစ္ဆပလက္ခဏံ မိဂလက္ခဏံ ဣတိ ဝါ။ ဣတိ ဝေရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၇။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ ရညံ နိယျာနံ ဘဝိဿတိ၊ ရညံ အနိယျာနံ ဘဝိဿတိ၊ အပ္ပန္နရာနံ ရညံ ဥပယာနံ ဘဝိဿတိ၊ ဗာဟိရာနံ ရညံ အပယာနံ ဘဝိဿတိ၊ ဗာဟိရာနံ ရညံ ဥပယာနံ ဘဝိဿတိ၊ အပ္ပန္နရာနံ ရညံ အပယာနံ ဘဝိဿတိ၊ အပ္ပန္နရာနံ ရညံ ဇယော ဘဝိဿတိ၊ ဗာဟိရာနံ ရညံ ပရာဇယော ဘဝိဿတိ၊ ဗာဟိရာနံ ရညံ ဇယော ဘဝိဿတိ၊ အပ္ပန္နရာနံ ရညံ ပရာဇယော ဘဝိဿတိ၊ ဣတိ ဣမဿ ဇယော ဘဝိဿတိ၊ ဣမဿ ပရာဇယော ဘဝိဿတိ ဣတိ ဝါ။ ဣတိ ဝေရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၈။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဉ္ဇိတွာ တေ ဝေရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ စန္ဒဂ္ဂါဟော ဘဝိဿတိ၊ သူရိယဂ္ဂါဟော ဘဝိဿတိ၊ နက္ခတ္တဂ္ဂါဟော ဘဝိဿတိ၊ စန္ဒိမသုရိယာနံ ပထဂမနံ ဘဝိဿတိ၊ စန္ဒိမသုရိယာနံ ဥပ္ပထဂမနံ ဘဝိဿတိ၊ နက္ခတ္တာနံ ပထဂမနံ ဘဝိဿတိ၊ နက္ခတ္တာနံ ဥပ္ပထဂမနံ

ဘဝိဿတိ၊ ဥက္ကာပါတော ဘဝိဿတိ၊ ဒိသာဉာဟော ဘဝိဿတိ၊ ဘူမိစာလော ဘဝိဿတိ၊ ဒေဝဒုဗြတိ ဘဝိဿတိ၊ စန္ဒိမသုရိယနက္ခတ္တာနံ ဥဂ္ဂမနံ ဩဂမနံ သံကိလေသံ ဝေါဒါနံ ဘဝိဿတိ၊ ဧဝံဝိပါကော စန္ဒဂ္ဂါဟော ဘဝိဿတိ၊ ဧဝံဝိပါကော သုရိယဂ္ဂါဟော ဘဝိဿတိ၊ ဧဝံဝိပါကော နက္ခတ္တဂ္ဂါဟော ဘဝိဿတိ၊ ဧဝံဝိပါကံ စန္ဒိမသုရိယာနံ ပထဂမနံ ဘဝိဿတိ၊ ဧဝံဝိပါကံ စန္ဒိမသုရိယာနံ ဥပ္ပထဂမနံ ဘဝိဿတိ၊ ဧဝံဝိပါကံ နက္ခတ္တာနံ ပထဂမနံ ဘဝိဿတိ၊ ဧဝံဝိပါကံ နက္ခတ္တာနံ ဥပ္ပထဂမနံ ဘဝိဿတိ၊ ဧဝံဝိပါကော ဥက္ကာပါတော ဘဝိဿတိ၊ ဧဝံဝိပါကော ဒိသာဉာဟော ဘဝိဿတိ၊ ဧဝံဝိပါကော ဘူမိစာလော ဘဝိဿတိ၊ ဧဝံဝိပါကော ဒေဝဒုဗြတိ ဘဝိဿတိ၊ ဧဝံဝိပါကံ စန္ဒိမသုရိယနက္ခတ္တာနံ ဥဂ္ဂမနံ ဩဂမနံ သံကိလေသံ ဝေါဒါနံ ဘဝိဿတိ ဣတိ ဝါ၊ ဣတိ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၀၉။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ သုဝုဋ္ဌိကာ ဘဝိဿတိ၊ ဒုဗ္ဗုဋ္ဌိကာ ဘဝိဿတိ၊ သုဘိက္ခံ ဘဝိဿတိ၊ ဒုဗ္ဗိက္ခံ ဘဝိဿတိ၊ ခေမံ ဘဝိဿတိ၊ ဘယံ ဘဝိဿတိ၊ ရောဂေါ ဘဝိဿတိ၊ အာရောဂျံ ဘဝိဿတိ၊ မုဒ္ဓါ၊ ဂဏနာ၊ သင်္ခါနံ၊ ကာဝေယျံ၊ လောကာယတံ ဣတိ ဝါ၊ ဣတိ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၁၀။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ ကပ္ပေန္တိ။ သေယျထိဒံ၊ အာဝါဟနံ ဝိဝါဟနံ သံဝရဏံ ဝိဝရဏံ သံကိရဏံ ဝိကိရဏံ သုဘဂကရဏံ ဒုဗ္ဘဂကရဏံ ဝိရုဒ္ဓဂဗ္ဘကရဏံ ဇိဝှိနိဗန္ဓနံ ဟနသံဟနနံ ဟတ္တာဘိဇ္ဇေပနံ ဟနဇ္ဇေပနံ ကဏ္ဍဇ္ဇေပနံ အာဒါသပဉ္စံ ကုမာရိကပဉ္စံ ဒေဝပဉ္စံ အာဒိစ္စပဋ္ဌာနံ မဟတုပဋ္ဌာနံ အဗ္ဘုဇ္ဇလနံ သိရိဝှိယနံ ဣတိ ဝါ၊ ဣတိ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၁၁။ ယထာ ဝါ ပနေကေ ဘောန္တော သမဏဗြာဟ္မဏာ သဒ္ဓါဒေယျာနိ ဘောဇနာနိ ဘုဒ္ဓိတွာ တေ ဧဝရူပါယ တိရစ္ဆာနဝိဇ္ဇာယ မိစ္ဆာဇီဝေန ဇီဝိတံ

ကပ္ပေန္တိ။ သေယျထိဒံ၊ သန္တိကမ္ပံ ပဏိဓိကမ္ပံ ဘူတကမ္ပံ ဘူရိကမ္ပံ ဝဿကမ္ပံ ဝေါဿကမ္ပံ ဝတ္ထုကမ္ပံ ဝတ္ထုပရိကမ္ပံ အာစမနံ နှာပနံ ဇုဟနံ ဝမနံ ဝိရေစနံ ဥဒ္ဓံဝိရေစနံ အဓောဝိရေစနံ သီသဝိရေစနံ ကဏ္ဍတေလံ နေတ္တတပ္ပနံ နတ္ထုကမ္ပံ အဇ္ဇနံ ပစ္စဇ္ဇနံ သာလာကိယံ သလ္လကတ္တိယံ ဒါရကတိကိစ္ဆာ၊ မူလဘေသဇ္ဇာနံ အနုပ္ပဒါနံ၊ ဩသဓိနံ ပဋိမောက္ခော ဣတိ ဝါ၊ ဣတိ ဝေရူပါယ တိရစ္ဆာနဝိဇ္ဇာယ မိစ္ဆာဇီဝါ ပဋိဝိရတော ဟောတိ။ ဣဒမ္ဗိဿ ဟောတိ သီလသ္မိံ။

၂၁၂။ သ ခေါ သော မဟာရာဇ ဘိက္ခု ဧဝံ သီလသမ္ပန္နော န ကုတောစိ ဘယံ သမနုပဿတိ၊ ယဒိဒံ သီလသံဝရတော။ သေယျထာပိ မဟာရာဇ ရာဇာ ခတ္တိယော မုဒ္ဓါဘိသိတ္ထော နိဟတပစ္စာမိတ္ထော န ကုတောစိ ဘယံ သမနုပဿတိ၊ ယဒိဒံ ပစ္စတ္ထိကတော။ ဧဝမေဝ ခေါ မဟာရာဇ ဘိက္ခု ဧဝံ သီလသမ္ပန္နော န ကုတောစိ ဘယံ သမနုပဿတိ၊ ယဒိဒံ သီလ- သံဝရတော၊ သော ဣမိနာ အရိယေန သီလက္ခန္ဓေန သမန္တာဂတော အဇ္ဈတ္တံ အနဝဇ္ဇသုခံ ပဋိသံဝေဒေတိ။ ဧဝံ ခေါ မဟာရာဇ ဘိက္ခု သီလသမ္ပန္နော ဟောတိ။

မဟာသီလံ နိဋ္ဌိတံ။



ဣန္ဒြိယသံဝရ

၂၁၃။ ကထဉ္စ မဟာရာဇ ဘိက္ခု ဣန္ဒြိယေသု ဂုတ္တဒ္ဓါရော ဟောတိ။ ဣဓ မဟာရာဇ ဘိက္ခု စက္ခုနာ ရူပံ ဒိသ္မာ န နိမိတ္တဂ္ဂါဟီ ဟောတိ နာနုဗျဉ္စနဂ္ဂါဟီ၊ ယတွာဓိကရဏမေန စက္ခုန္ဒြိယံ အသံဝုတံ ဝိဟရန္တံ အဘိဇ္ဈာ ဒေါမနဿာ ပါပကာ အကုသလာ ဓမ္မာ အန္ဓာဿဝေယျံ၊ တဿ သံဝရာယ ပဋိပဇ္ဇတိ၊ ရက္ခတိ စက္ခုန္ဒြိယံ၊ စက္ခုန္ဒြိယေ သံဝရံ အာပဇ္ဇတိ၊ သောတေန သဒ္ဓိံ သုတွာ။ပ။ ဃာနေန ဂန္ဓံ ဃာယိတွာ။ပ။ ဇိဝှိယ ရသံ သာယိတွာ။ပ။ ကာယေန ဖောဠဗ္ဗံ ဖုသိတွာ။ပ။ မနဿာ ဓမ္မံ ဝိညာယ န နိမိတ္တဂ္ဂါဟီ ဟောတိ နာနုဗျဉ္စနဂ္ဂါဟီ၊ ယတွာဓိ- ကရဏမေန မနိန္ဒြိယံ အသံဝုတံ ဝိဟရန္တံ အဘိဇ္ဈာ ဒေါမနဿာ ပါပကာ အကုသလာ ဓမ္မာ အန္ဓာဿဝေယျံ၊ တဿ သံဝရာယ ပဋိပဇ္ဇတိ၊ ရက္ခတိ မနိန္ဒြိယံ၊ မနိန္ဒြိယေ သံဝရံ အာပဇ္ဇတိ၊ သော ဣမိနာ အရိယေန ဣန္ဒြိယသံဝရေန သမန္တာဂတော အဇ္ဈတ္တံ အဗျာသေကသုခံ ပဋိသံဝေဒေတိ။ ဧဝံ ခေါ မဟာရာဇ ဘိက္ခု ဣန္ဒြိယေသု ဂုတ္တဒ္ဓါရော ဟောတိ။

သတိသမ္ပဇည

၂၁၄။ ကထဉ္စ မဟာရာဇ ဘိက္ခု သတိသမ္ပဇညေန သမန္ဓာဂတော ဟောတိ။ ဣမ မဟာရာဇ ဘိက္ခု အဘိက္ကန္တေ ပဋိက္ကန္တေ သမ္ပဇာနကာရိ ဟောတိ။ အာလောကိတေ ဝိလောကိတေ သမ္ပဇာနကာရိ ဟောတိ။ သမိဋ္ဌိတေ ပသာရိတေ သမ္ပဇာနကာရိ ဟောတိ။ သံဃာဋီပတ္တစိဝရဓာရဏေ သမ္ပဇာနကာရိ ဟောတိ။ အသိတေ ဝီတေ ခါယိတေ သာယိတေ သမ္ပဇာနကာရိ ဟောတိ။ ဥစ္စာရပဿာဝကဓမ္မေ သမ္ပဇာနကာရိ ဟောတိ။ ဂတေ ဌိတေ နိသိန္ဓေ သုတ္တေ ဇာဂရိတေ ဘာသိဟေ တုဏှိဘာဝေ သမ္ပဇာနကာရိ ဟောတိ။ ဧဝံ ခေါ မဟာရာဇ ဘိက္ခု သတိသမ္ပဇညေန သမန္ဓာဂတော ဟောတိ။

သန္တောသ

၂၁၅။ ကထဉ္စ မဟာရာဇ ဘိက္ခု သန္တုဋ္ဌော ဟောတိ။ ဣမ မဟာရာဇ ဘိက္ခု သန္တုဋ္ဌော ဟောတိ ကာယပရိဟာရိကေန စိဝရေန ကုစ္ဆိပရိဟာရိကေန ပိဏှပါတေန၊ သော ယေန ယေနောပ ပက္ကမတိ၊ သမာဒါယေဝ ပက္ကမတိ။ သေယျထာပိ မဟာရာဇ ပက္ခိ သကုဏော ယေန ယေနော ဒေတိ၊ သပတ္တဘာရောဝ ဒေတိ။ ဧဝမေဝ ခေါ မဟာရာဇ ဘိက္ခု သန္တုဋ္ဌော ဟောတိ ကာယပရိဟာရိကေန စိဝရေန ကုစ္ဆိပရိဟာရိကေန ပိဏှပါတေန၊ သော ယေန ယေနောပ ပက္ကမတိ၊ သမာဒါယေဝ ပက္ကမတိ။ ဧဝံ ခေါ မဟာရာဇ ဘိက္ခု သန္တုဋ္ဌော ဟောတိ။

နိဝရဏပ္ပဟာန

၂၁၆။ သော ဣမိနာ စ အရိယေန သီလက္ခန္ဓေန သမန္ဓာဂတော ဣမိနာ စ အရိယေန ဣန္ဒြိယသံဝရေန သမန္ဓာဂတော ဣမိနာ စ အရိယေန သတိ-သမ္ပဇညေန သမန္ဓာဂတော ဣမာယ စ အရိယာယ သန္တုဋ္ဌိယာ သမန္ဓာဂတော ဝိဝိတ္တံ သေနာသနံ ဘဇတိ အရညံ ရုက္ခမူလံ ပဗ္ဗတံ ကန္ဓရံ ဂိရိဂဟံ သုသာနံ ဝနပတ္တံ အပ္ပောကာသံ ပလာလပုဉ္ဇံ။ သော ပစ္စာဘတ္တံ ပိဏှ-ပါတပ္ပဋိက္ကန္တော နိသိဒတိ ပလ္လင်္ဂံ အာဘုဇိတွာ ဥဇုံ ကာယံ ပဏိဓာယ ပရိမုခံ သတိံ ဥပဋ္ဌပေတွာ။

၂၁၇။ သော အဘိဇ္ဈံ လောကေ ပဟာယ ဝိဂတာဘိဇ္ဈေန စေတသာ ဝိဟရတိ၊ အဘိဇ္ဈာယ စိတ္တံ ပရိသောဓေတိ။ ဗျာပါဒပဒေါသံ ပဟာယ

အဗျာပန္နစိတ္တော ဝိဟရတိ သဗ္ဗပါဏဘူတဟိတာနုကမ္ပိ၊ ဗျာပါဒပဒေါသာ စိတ္တံ ပရိသောဓေတိ။ ထိနမိဒ္ဓံ ပဟာယ ဝိဂတထိနမိဒ္ဓေါ ဝိဟရတိ အာလောကသညီ သတော သမ္ပဇာနော၊ ထိနမိဒ္ဓါ စိတ္တံ ပရိသောဓေတိ။ ဥဒ္ဓစ္စကုက္ကုစ္စံ ပဟာယ အနုဒ္ဓတော ဝိဟရတိ အဇ္ဈတ္တံ ပူပသန္တစိတ္တော၊ ဥဒ္ဓစ္စကုက္ကုစ္စာ စိတ္တံ ပရိသောဓေတိ။ ဝိစိကိန္တံ ပဟာယ တိဏ္ဍဝိစိကိန္တော ဝိဟရတိ အကထံကထီ ကုသလေသု ဓမ္မေသု၊ ဝိစိကိန္တယ စိတ္တံ ပရိသောဓေတိ။

၂၁၈။ သေယျထာပိ မဟာရာဇ ပုရိသော ဣဏံ အာဒါယ ကမ္မန္တေ ပယော-
ဇေယျ၊ တဿ တေ ကမ္မန္တာ သမိဇ္ဈေယျ၊ သော ယာနိ စ ပေါရာဏာနိ
ဣဏမူလာနိ၊ တာနိ စ ဗျန္တိ ကရေယျ၊ သိယာ စဿ ဥတ္တရိ အဝသိဋ္ဌံ
ဒါရဘရဏာယ။ တဿ ဝေမဿ “အဟံ ခေါ ပုဗ္ဗေ ဣဏံ အာဒါယ ကမ္မန္တေ
ပယောဇေသိ၊ တဿ မေ တေ ကမ္မန္တာ သမိဇ္ဈိံသု၊ သောဟံ ယာနိ စ
ပေါရာဏာနိ ဣဏမူလာနိ၊ တာနိ စ ဗျန္တိ အကာသိ၊ အတ္ထိ စ မေ ဥတ္တရိ
အဝသိဋ္ဌံ ဒါရဘရဏာယာ”တိ။ သော တတောနိဒါနံ လဘေထ ပါမောဇံ၊
အဓိဂစ္ဆေယျ သောမနဿံ။

၂၁၉။ သေယျထာပိ မဟာရာဇ ပုရိသော အာဗာဓိကော အဿ ဒုက္ခိတော
ဗာဠဂိလာနော၊ ဘတ္တဉ္ဇဿ နန္ဒာဒေယျ၊ န စဿ ကာယေ ဗလမတ္တာ၊ သော
အပရေန သမယေန တမှာ အာဗာဓာ မုစ္စေယျ၊ ဘတ္တဉ္ဇဿ ဆာဒေယျ၊
သိယာ စဿ ကာယေ ဗလမတ္တာ။ တဿ ဝေမဿ “အဟံ ခေါ ပုဗ္ဗေ
အာဗာဓိကော အဟောသိ ဒုက္ခိတော ဗာဠဂိလာနော၊ ဘတ္တဉ္ဇ မေ
နန္ဒာဒေသိ၊ န စ မေ အာသိ၊ ကာယေ ဗလမတ္တာ၊ သောမိ တေရဟိ တမှာ
အာဗာဓာ မုတ္တော၊ ဘတ္တဉ္ဇ မေ ဆာဒေတိ၊ အတ္ထိ စ မေ ကာယေ
ဗလမတ္တာ”တိ။ သော တတောနိဒါနံ လဘေထ ပါမောဇံ၊ အဓိဂစ္ဆေယျ
သောမနဿံ။

၂၂၀။ သေယျထာပိ မဟာရာဇ ပုရိသော ဗန္ဓနာဂါရေ ဗဒ္ဓေါ အဿ၊
သော အပရေန သမယေန တမှာ ဗန္ဓနာဂါရာ မုစ္စေယျ သောတ္ထိနာ အပ္ပယေန၊
န စဿ ကိဉ္စိ ဘောဂါနံ ဝယော။ တဿ ဝေမဿ “အဟံ ခေါ ပုဗ္ဗေ
ဗန္ဓနာဂါရေ ဗဒ္ဓေါ အဟောသိ၊ သောမိ တေရဟိ တမှာ ဗန္ဓနာဂါရာ

၁-ဗျန္တိကရေယျ (သိ၊ သျာ၊ ကံ) ၂-န စဿ မေ (က) ၃-အပ္ပယေန (သိ၊ က)

မုတ္တော သောတ္တိနာ အပ္ပယေန၊ နတ္ထိ စ မေ ကိဉ္စိ ဘောဂါနံ ဝယော”တိ။
သော တတောနိဒါနံ လဘေထ ပါမောဇ္ဇံ၊ အဓိဂစ္ဆေယျ သောမနဿံ။

၂၂၁။ သေယျထာပိ မဟာရာဇ ပုရိသော ဒါသော အဿ အနတ္တာဓိနော
ပရာဓိနော န ယေနကာမံဂမော၊ သော အပရေန သမယေန တမှာ ဒါသဗျာ
မုစ္ဆေယျ အတ္တာဓိနော အပရာဓိနော ဘုဇိသော ယေနကာမံဂမော။ တဿ
ဝေမဿ “အဟံ ခေါ ပုဗ္ဗေ ဒါသော အဟောသိ” အနတ္တာဓိနော ပရာဓိနော
န ယေနကာမံဂမော၊ သောမိ တေရဟိ တမှာ ဒါသဗျာ မုတ္တော အတ္တာဓိနော
အပရာဓိနော ဘုဇိသော ယေနကာမံဂမော”တိ။ သော တတောနိဒါနံ
လဘေထ ပါမောဇ္ဇံ၊ အဓိဂစ္ဆေယျ သောမနဿံ။

၂၂၂။ သေယျထာပိ မဟာရာဇ ပုရိသော သဓနော သဘောဂေါ
ကန္တာရဗ္ဗါနမဂ္ဂံ ပဋိပဇ္ဇေယျ ဒုတ္တိက္ခံ သပ္ပဋိဘယံ၊ သော အပရေန သမယေန တံ
ကန္တာရံ နိတ္ထရေယျ၊ သောတ္တိနာ ဂါမန္တံ အနုပါပုဏ္ဏေယျ ခေမံ အပ္ပဋိဘယံ။
တဿ ဝေမဿ “အဟံ ခေါ ပုဗ္ဗေ သဓနော သဘောဂေါ ကန္တာရဗ္ဗါနမဂ္ဂံ
ပဋိပဇ္ဇိ” ဒုတ္တိက္ခံ သပ္ပဋိဘယံ၊ သောမိ တေရဟိ တံ ကန္တာရံ နိတ္ထိဏ္ဏော၊
သောတ္တိနာ ဂါမန္တံ အနုပ္ပတ္တော ခေမံ အပ္ပဋိဘယ”န္တိ၊ သော တတောနိဒါနံ
လဘေထ ပါမောဇ္ဇံ၊ အဓိဂစ္ဆေယျ သောမနဿံ။

၂၂၃။ ဝေမေဝ ခေါ မဟာရာဇ ဘိက္ခု ယထာ ဣဏံ ယထာ ရောဂံ
ယထာ ဗန္ဓနာဂါရံ ယထာ ဒါသဗျံ ယထာ ကန္တာရဗ္ဗါနမဂ္ဂံ။ ဧဝံ ဣမေ ပဉ္စ
နိဝရဏေ အပ္ပဟိနေ အတ္တနိ သမနုပဿတိ။

၂၂၄။ သေယျထာပိ မဟာရာဇ ယထာ အာဏဏျံ ယထာ အာရောဂျံ
ယထာ ဗန္ဓနာမောက္ခံ ယထာ ဘုဇိဿံ ယထာ ခေမန္တဘူမိ”။ ဝေမေဝ ခေါ
မဟာရာဇ ဘိက္ခု ဣမေ ပဉ္စ နိဝရဏေ ပဟိနေ အတ္တနိ သမနုပဿတိ။

၂၂၅။ တဿိမေ ပဉ္စ နိဝရဏေ ပဟိနေ အတ္တနိ သမနုပဿတော
ပါမောဇ္ဇံ ဇာယတိ၊ ပမုဒိတဿ ဝီတိ ဇာယတိ၊ ဝီတိမနဿ ကာယော
ပဿန္တတိ၊ ပဿဒ္ဓကာယော သုခံ ဝေဒေတိ၊ သုခိနော စိတ္တံ သမာဓိယတိ။

ပဌမဈာန

၂၂၆။ သော ဝိဝိဇ္ဇေဝ ကာမေဟိ ဝိဝိစ္စ အကုသလေဟိ ဓမ္မေဟိ သဝိတက္ကံ
သဝိစာရံ ဝိဝေကဇံ ဝီတိသုခံ ပဌမံ ဈာနံ ဥပသမ္ပဇ္ဇ ဝိဟရတိ၊ သော

ဣမမေဝ ကာယံ ဝိဝေကဇေန ဝီတိသုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ ဝိဝေကဇေန ဝီတိသုခေန အပ္ပုဋ် ဟောတိ။

၂၂၇။ သေယျထာပိ မဟာရာဇ ဒက္ခော နှာပကော ဝါ နှာပကန္တေဝါသီ ဝါ ကံသထာလေ နှာနိယစုဏ္ဏာနိ အာကိရိတွာ ဥဒကေန ပရိပ္ပေါသကံ ပရိပ္ပေါသကံ သန္ဓေယျ၊ သာယံ နှာနိယပိဏ္ဍိ သွေဟာနုဂတာ သွေဟပရေတာ သန္တရဗာဟိရာ ဖုဋ္ဌာ သွေဟေန၊ န စ ပဂ္ဂရဏီ။ ဧဝမေဝ ခေါ မဟာရာဇ ဘိက္ခု ဣမမေဝ ကာယံ ဝိဝေကဇေန ဝီတိသုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ ဝိဝေကဇေန ဝီတိသုခေန အပ္ပုဋ် ဟောတိ။ ဣဒမ္ပိ ခေါ မဟာရာဇ သန္တိဋ္ဌိကံ သာမညဇလံ ပုရိမေဟိ သန္တိဋ္ဌိကေဟိ သာမညဇလေဟိ အဘိက္ကန္တတရဉ္စ ပဏီတတရဉ္စ။

ဒုတိယဈာန

၂၂၈။ ပုန စပရံ မဟာရာဇ ဘိက္ခု ဝိတက္ကဝိစာရာနံ ဝူပသမာ အဇ္ဈတ္တံ သမ္ပသာဒနံ စေတသော ဧကောဒိဘာဝံ အဝိတက္ကံ အဝိစာရံ သမာဓိဇံ ဝီတိသုခံ ဒုတိယံ ဈာနံ ဥပသမ္ပဇ္ဇေ ဝိဟရတိ၊ သော ဣမမေဝ ကာယံ သမာဓိဇေန ဝီတိသုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ သမာဓိဇေန ဝီတိသုခေန အပ္ပုဋ် ဟောတိ။

၂၂၉။ သေယျထာပိ မဟာရာဇ ဥဒကရဟဒေါ ဂန္တိရော ဥဒ္ဓိဒေါဒကော^၁ တဿ နေဝဿ ပုရတ္ထိမာယ ဒိသာယ ဥဒကဿ အာယမုခံ၊ န ဒက္ခိဏာယ ဒိသာယ ဥဒကဿ အာယမုခံ၊ န ပစ္ဆိမာယ ဒိသာယ ဥဒကဿ အာယမုခံ၊ န ဥတ္တရာယ ဒိသာယ ဥဒကဿ အာယမုခံ၊ ဒေဝေါ စ န ကာလေနကာလံ သမ္ပာဓာရံ အနုပ္ပဝေစ္ဆေယျ။ အထ ခေါ တမှာဝ ဥဒကရဟဒေါ သီတာ ဝါရိဓာရာ ဥဒ္ဓိဋ္ဌိတွာ တမေဝ ဥဒကရဟဒံ သီတေန ဝါရိနာ အဘိသန္ဓေယျ ပရိသန္ဓေယျ ပရိပူရေယျ ပရိပ္ပရေယျ၊ နာဿ ကိဉ္စိ သဗ္ဗာဝတော ဥဒကရဟဒဿ သီတေန ဝါရိနာ အပ္ပုဋ် အဿ။ ဧဝမေဝ ခေါ မဟာရာဇ ဘိက္ခု ဣမမေဝ ကာယံ သမာဓိဇေန ဝီတိသုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ သမာဓိဇေန ဝီတိသုခေန

၁-ဥဒ္ဓိတောဒကော (သျှာ၊ကံ၊က)

အပ္ပုဋ် ဟောတိ။ ဣဒမ္ဗိ ခေါ မဟာရာဇ သန္ဓိဋ္ဌိကံ သာမညဖလံ ပုရိမေဟိ သန္ဓိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏိတတရဉ္စ။

တတိယဈာန်

၂၃၀။ ပုန စပရံ မဟာရာဇ ဘိက္ခု ပီတိယာ စ ဝိရာဂါ ဥပေက္ခကော စ ဝိဟရတိ သတော သမ္ပဇာနော၊ သုခဉ္စ ကာယေန ပဋိသံဝေဒေတိ၊ ယံ တံ အရိယာ အာစိက္ခန္တိ “ဥပေက္ခကော သတိမာ သုခဝိဟာရိ”တိ၊ တတိယံ ဈာန် ဥပသမ္ပဇ္ဇ ဝိဟရတိ၊ သော ဣမမေဝ ကာယံ နိပ္ပိတိကေန သုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ နိပ္ပိတိကေန သုခေန အပ္ပုဋ် ဟောတိ။

၂၃၁။ သေယျထာပိ မဟာရာဇ ဥပ္ပလိနိယံ ဝါ ပဒုမိနိယံ ဝါ ပုဏ္ဏရိကိနိယံ ဝါ အပ္ပေကစ္စာနိ ဥပ္ပလာနိ ဝါ ပဒုမာနိ ဝါ ပုဏ္ဏရိကာနိ ဝါ ဥဒကေ ဇာတာနိ ဥဒကေ သံဝဇာနိ ဥဒကာနုဂ္ဂတာနိ အန္တောနိမုဂ္ဂပေါသီနိ၊ တာနိ ယာဝ စဂ္ဂါ ယာဝ စ မူလာ သီတေန ဝါရိနာ အဘိသန္ဓာနိ ပရိသန္ဓာနိ ပရိပူရာနိ ပရိပ္ပုဋ်နိ၊ နာဿ ကိဉ္စိ သဗ္ဗာဝတံ ဥပ္ပလာနံ ဝါ ပဒုမာနံ ဝါ ပုဏ္ဏရိကာနံ ဝါ သီတေန ဝါရိနာ အပ္ပုဋ် အဿ။ ဝေမေဝ ခေါ မဟာရာဇ ဘိက္ခု ဣမမေဝ ကာယံ နိပ္ပိတိကေန သုခေန အဘိသန္ဓေတိ ပရိသန္ဓေတိ ပရိပူရေတိ ပရိပ္ပရတိ၊ နာဿ ကိဉ္စိ သဗ္ဗာဝတော ကာယဿ နိပ္ပိတိကေန သုခေန အပ္ပုဋ် ဟောတိ။ ဣဒမ္ဗိ ခေါ မဟာရာဇ သန္ဓိဋ္ဌိကံ သာမညဖလံ ပုရိမေဟိ သန္ဓိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏိတတရဉ္စ။

စတုတ္ထဈာန်

၂၃၂။ ပုန စပရံ မဟာရာဇ ဘိက္ခု သုခဿ စ ပဟာနာ ဒုက္ခဿ စ ပဟာနာ ပုဗ္ဗေဝ သောမနဿဒေါမနဿာနံ အတ္တင်္ဂမာ အဒုက္ခမသုခံ ဥပေက္ခာသတိပါရိသုဋ္ဌိံ စတုတ္ထံ ဈာန် ဥပသမ္ပဇ္ဇ ဝိဟရတိ၊ သော ဣမမေဝ ကာယံ ပရိသုဗ္ဗေန စေတသာ ပရိယောဒါတေန ဖရိတွာ နိသိန္ဓော ဟောတိ၊ နာဿ ကိဉ္စိ သဗ္ဗာဝတော ကာယဿ ပရိသုဗ္ဗေန စေတသာ ပရိယောဒါတေန အပ္ပုဋ် ဟောတိ။

၁-အဘိသန္ဓာနိ ပရိသန္ဓာနိ (က) ၂-ပရိပ္ပုဋ်နိ (ခ)

၂၃၃။ သေယျထာပိ မဟာရာဇ ပုရိသော ဩဒါတေန ဝတ္ထေန သသီသံ ပါရုပ်တွာ နိသိန္ဓော အဿ၊ နာဿ ကိဉ္စိ သဗ္ဗာဝတော ကာယဿ ဩဒါတေန ဝတ္ထေန အပ္ပုဋ် အဿ။ ဧဝမေဝ ခေါ မဟာရာဇ ဘိက္ခု၊ ဣမမေဝ ကာယံ ပရိသုဒ္ဓေန စေတသာ ပရိယောဒါတေန ဖရိတွာ နိသိန္ဓော ဟောတိ၊ နာဿ ကိဉ္စိ သဗ္ဗာဝတော ကာယဿ ပရိသုဒ္ဓေန စေတသာ ပရိယောဒါတေန အပ္ပုဋ် ဟောတိ။ ဣဒမ္ပိ ခေါ မဟာရာဇ သန္တိဋ္ဌိကံ သာမညဖလံ ပုရိမေဟိ သန္တိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏီတတရဉ္စ။

ဝိပဿနာဉာဏ (၁)

၂၃၄။ သော^၁ ဧဝံ သမာဟိတေ စိတ္ထေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ ဉာဏဒဿနာယ စိတ္တံ အဘိနိဟရတိ အဘိနိန္ဓာမေတိ၊ သော ဧဝံ ပဇာနာတိ “အယံ ခေါ မေ ကာယော ရူပီ စာတုမဟာဘူတိကော မာတာပေတ္တိကသမ္ဘဝေါ ဩဒနကုမ္မာ- သူပစယော အနိစ္စုစ္ဆာဒနပရိမဒ္ဒနဘောဒနဝိဒ္ဓံသနဓမ္မော၊ ဣဒဉ္စ ပန မေ ဝိညာဏံ ဧတ္ထ သိတံ ဧတ္ထ ပဋိဗဒ္ဓ”န္တိ။

၂၃၅။ သေယျထာပိ မဟာရာဇ မဏိ ဝေဠုရိယော သုဘော ဇာတိမာ အဋ္ဌံသော သုပရိကမ္မကတော အစ္ဆော ဝိပ္ပသန္ဓော အနာဝိလော သဗ္ဗာကာရ- သမ္ပန္ဓော၊ တတြာဿ သုတ္တံ အာဂုတံ နီလံ ဝါ ပီတံ ဝါ လောဟိတံ ဝါ၊ ဩဒါတံ ဝါ ပဏ္ဍုသုတ္တံ ဝါ၊ တမေနံ စက္ခုမာ ပုရိသော ဟတ္ထေ ကရိတွာ ပစ္စဝေက္ခေယျ “အယံ ခေါ မဏိ ဝေဠုရိယော သုဘော ဇာတိမာ အဋ္ဌံသော သုပရိကမ္မကတော အစ္ဆော ဝိပ္ပသန္ဓော အနာဝိလော သဗ္ဗာကာရသမ္ပန္ဓော၊ တတြိဒံ သုတ္တံ အာဂုတံ နီလံ ဝါ ပီတံ ဝါ လောဟိတံ ဝါ ဩဒါတံ ဝါ ပဏ္ဍုသုတ္တံ ဝါ”တိ။ ဧဝမေဝ ခေါ မဟာရာဇ ဘိက္ခု၊ ဧဝံ သမာဟိတေ စိတ္ထေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ ဉာဏဒဿနာယ စိတ္တံ အဘိနိဟရတိ အဘိနိန္ဓာမေတိ၊ သော ဧဝံ ပဇာနာတိ “အယံ ခေါ မေ ကာယော ရူပီ စာတုမဟာဘူတိကော မာတာပေတ္တိကသမ္ဘဝေါ၊ ဩဒနကုမ္မာသူပစယော အနိစ္စုစ္ဆာဒနပရိမဒ္ဒန- ဘောဒနဝိဒ္ဓံသနဓမ္မော၊ ဣဒဉ္စ ပန မေ ဝိညာဏံ ဧတ္ထ သိတံ ဧတ္ထ ပဋိဗဒ္ဓ”န္တိ။ ဣဒမ္ပိ ခေါ မဟာရာဇ သန္တိဋ္ဌိကံ သာမညဖလံ ပုရိမေဟိ သန္တိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏီတတရဉ္စ။

၁-ပန စပရံ မဟာရာဇ ဘိက္ခု သော (က) ၂-ပီတကံ ဝါ လောဟိတကံ ဝါ (က)

မနောမယိဒ္ဓိဗျာဏ (၂)

၂၃၆။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပက္ကိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ မနောမယံ ကာယံ အဘိနိဗ္ဗာနာယ စိတ္တံ အဘိနိဟရတိ အဘိနိန္နာမေတိ၊ သော ဣမမ္မာ ကာယာ အညံ ကာယံ အဘိနိဗ္ဗိနာတိ ရူပိ မနောမယံ သဗ္ဗင်္ဂပစ္စင်္ဂိ အဟိနိဗ္ဗိယံ။

၂၃၇။ သေယျထာပိ မဟာရာဇ ပုရိသော မုဉ္ဇမ္မာ ဤသိကံ ပဝါဟေယျ။။ တဿ ဧဝမဿ “အယံ မုဉ္ဇော၊ အယံ ဤသိကာ၊ အညော မုဉ္ဇော၊ အညာ ဤသိကာ၊ မုဉ္ဇမ္မာ တွေဝ ဤသိကာ ပဝါဠာ”တိ။။ သေယျထာ ဝါ ပန မဟာရာဇ ပုရိသော အသိ ကောသိယာ ပဝါဟေယျ။။ တဿ ဧဝမဿ “အယံ အသိ၊ အယံ ကောသိ၊ အညော အသိ၊ အညာ ကောသိ၊ ကောသိယာ တွေဝ အသိ ပဝါဠာ”တိ။။ သေယျထာ ဝါ ပန မဟာရာဇ ပုရိသော အဟိ ကရဏ္ဍာ ဥဒ္ဓရေယျ။။ တဿ ဧဝမဿ “အယံ အဟိ၊ အယံ ကရဏ္ဍော။ အညော အဟိ၊ အညော ကရဏ္ဍော၊ ကရဏ္ဍာ တွေဝ အဟိ ဥဒ္ဓတော”တိ။။ ဧဝမေဝ ခေါ မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပက္ကိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ မနောမယံ ကာယံ အဘိနိဗ္ဗာနာယ စိတ္တံ အဘိနိဟရတိ အဘိနိန္နာမေတိ၊ သော ဣမမ္မာ ကာယာ အညံ ကာယံ အဘိနိဗ္ဗိနာတိ ရူပိ မနောမယံ သဗ္ဗင်္ဂပစ္စင်္ဂိ အဟိနိဗ္ဗိယံ။ ဣဒ္ဓမ္ပိ ခေါ မဟာရာဇ သန္နိဋ္ဌိကံ သာမညဗလံ ပုရိမေဟိ သန္နိဋ္ဌိကေဟိ သာမညဗလေဟိ အဘိက္ကန္တတရဉ္စ ပဏိတတရဉ္စ။

ဣဒ္ဓိဝိဗျာဏ (၃)

၂၃၈။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပက္ကိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ ဣဒ္ဓိဝိဗျာဏံ စိတ္တံ အဘိနိဟရတိ အဘိနိန္နာမေတိ၊ သော အနေကဝိဟိတံ ဣဒ္ဓိဝိဗျာဏံ ပစ္စေနဘောတိ၊ ဧကောပိ ဟုတွာ ဗဟုဓာ ဟောတိ၊ ဗဟုဓာပိ ဟုတွာ ဧကော ဟောတိ၊ အာဝိဘာဝံ တိရောဘာဝံ တိရောကုင်္ဂံ တိရောပါကာရံ တိရောပဗ္ဗတံ အသဇ္ဇမာနော ဂစ္ဆတိ သေယျထာပိ အာကာသေ။ ပထဝိယာပိ ဥမ္မုဇေနိမုဇေ ကရောတိ သေယျထာပိ ဥဒကေ။ ဥဒကေပိ အဘိဇ္ဇမာနေ ဂစ္ဆတိ သေယျထာပိ

၁-ပဗ္ဗာဟေယျ (သျှ၊က)	၂-ပဗ္ဗာဠာတိ (သျှ၊က)
၃-ဥဒရိတော (သျှ၊က)	၄-အဘိဇ္ဇမာနော (သိ၊က)

ပထဝီယာ။ အာကာသေပိ ပလ္လင်္ကေန ကမတိ သေယျထာပိ ပက္ခိ သကုဏော။
ဣမေပိ စန္ဒိမသုရိယေ ဧဝံမဟိဒ္ဓိကေ ဧဝံမဟာနဘာဝေ ပါဏိနာ ပရာမသတိ
ပရိမဇ္ဇတိ။ ယာဝ ဗြဟ္မလောကာပိ ကာယေန ဝသံ ဝတ္တေတိ။

၂၃၉။ သေယျထာပိ မဟာရာဇ ဒက္ခော ကုမ္ဘကာရော ဝါ ကုမ္ဘကာရန္တေ-
ဝါသိ ဝါ သုပရိကမ္မကတယ မတ္တိကာယ ယံ ယဒေဝ ဘာဇနဝိကတိံ
အာကဓံယျ။ တံ တဒေဝ ကရေယျ အဘိနိပ္ပါဒေယျ။ သေယျထာ ဝါ ပန
မဟာရာဇ ဒက္ခော ဒန္တကာရော ဝါ ဒန္တကာရန္တေဝါသိ ဝါ သုပရိကမ္မကတသ္မိံ
ဒန္တသ္မိံ ယံ ယဒေဝ ဒန္တဝိကတိံ အာကဓံယျ။ တံ တဒေဝ ကရေယျ
အဘိနိပ္ပါဒေယျ။ သေယျထာ ဝါ ပန မဟာရာဇ ဒက္ခော သုဝဏ္ဏကာရော ဝါ
သုဝဏ္ဏကာရန္တေဝါသိ ဝါ သုပရိကမ္မကတသ္မိံ သုဝဏ္ဏသ္မိံ ယံ ယဒေဝ သုဝဏ္ဏ-
ဝိကတိံ အာကဓံယျ။ တံ တဒေဝ ကရေယျ အဘိနိပ္ပါဒေယျ။ ဧဝမေဝ ခေါ
မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ
ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပုတ္တေ ဣဒ္ဓိဝိဓာယ စိတ္တံ
အဘိနိဟရတိ အဘိနိန္ဒာမေတိ။ သော အနေကဝိဟိတံ ဣဒ္ဓိဝိဓံ ပစ္စနဘောတိ။
ဧကောပိ ဟုတွာ ဗဟုဓာ ဟောတိ။ ဗဟုဓာပိ ဟုတွာ ဧကော ဟောတိ။
အာဝိဘာဝံ တိရောဘာဝံ တိရောကုဋံ တိရောပါကာရံ တိရောပဗ္ဗတံ
အသဇ္ဇမာနော ဂစ္ဆတိ သေယျထာပိ အာကာသေ။ ပထဝီယာပိ ဥမ္မုဇ္ဇနိမုဇ္ဇ
ကရောတိ သေယျထာပိ ဥဒကေ။ ဥဒကေပိ အဘိဇ္ဇမာနေ ဂစ္ဆတိ သေယျထာပိ
ပထဝီယာ။ အာကာသေပိ ပလ္လင်္ကေန ကမတိ သေယျထာပိ ပက္ခိ သကုဏော။
ဣမေပိ စန္ဒိမသုရိယေ ဧဝံမဟိဒ္ဓိကေ ဧဝံမဟာနဘာဝေ ပါဏိနာ ပရာမသတိ
ပရိမဇ္ဇတိ။ ယာဝ ဗြဟ္မလောကာပိ ကာယေန ဝသံ ဝတ္တေတိ။ ဣဒမ္ပိ ခေါ
မဟာရာဇ သန္တိဋ္ဌိကံ သာမညဇလံ ပုရိမေဟိ သန္တိဋ္ဌိကေဟိ သာမညဇလေဟိ
အဘိက္ကန္တတရဉ္စ ပဏီတတရဉ္စ။

ဒိဗ္ဗသောတဉာဏ (၄)

၂၄၀။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ
အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပုတ္တေ
ဒိဗ္ဗာယ သောတဓာတုယာ စိတ္တံ အဘိနိဟရတိ အဘိနိန္ဒာမေတိ။ သော
ဒိဗ္ဗာယ သောတဓာတုယာ ဝိသုဒ္ဓါယ အဘိက္ကန္တမာနုသိကာယ ဥဘော သဒ္ဓေ
သုဏာတိ ဒိဗ္ဗေ စ မာနုသေ စ ယေ ဒူရေ သန္တိကေ စ။

၂၄၁။ သေယျထာပိ မဟာရာဇ ပုရိသော အဋ္ဌါနမဂ္ဂပ္ပဋိပန္နော၊ သော သုဏေယျ ဘေရိသဒ္ဓမ္မိ မုဒိင်္ဂသဒ္ဓမ္မိ^၁ သင်္ခပဏဝဒိန္ဒိမသဒ္ဓမ္မိ^၂။ တဿ ဧဝမဿ “ဘေရိသဒ္ဓေါ” ဣတိပိ၊ “မုဒိင်္ဂသဒ္ဓေါ” ဣတိပိ၊ “သင်္ခပဏဝဒိန္ဒိမသဒ္ဓေါ” ဣတိပိ^၃။ ဧဝမေဝ ခေါ မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ ဒိဗ္ဗာယ သောတဓာတုယာ စိတ္တံ အဘိနိဟရတိ အဘိနိန္ဒာမေတိ။ သော ဒိဗ္ဗာယ သောတဓာတုယာ ဝိသုဒ္ဓါယ အတိက္ကန္တမာနုသိကာယ ဥဘော သဒ္ဓေ သုဏာတိ ဒိဗ္ဗေ စ မာနုသေ စ ယေ ဒူရေ သန္တိကေ စ။ ဣဒမ္ပိ ခေါ မဟာရာဇ သန္တိဋ္ဌိကံ သာမညဗလံ ပုရိမေဟိ သန္တိဋ္ဌိကေဟိ သာမညဗလေဟိ အဘိက္ကန္တတရဉ္စ ပဏိတတရဉ္စ။

စေတောပရိယဉာဏ (၅)

၂၄၂။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပ္ပတ္တေ စေတောပရိယဉာဏာယ စိတ္တံ အဘိနိဟရတိ အဘိနိန္ဒာမေတိ။ သော ပရသတ္တာနံ ပရပုဂ္ဂလာနံ စေတသာ စေတော ပရိစ္စ ပဇာနာတိ။ သရာဂံ ဝါ စိတ္တံ “သရာဂံ စိတ္တ”န္တိ ပဇာနာတိ။ ဝိတရာဂံ ဝါ စိတ္တံ “ဝိတရာဂံ စိတ္တ”န္တိ ပဇာနာတိ။ သဒေါသံ ဝါစိတ္တံ “သဒေါသံ စိတ္တ”န္တိ ပဇာနာတိ။ ဝိတဒေါသံ ဝါ စိတ္တံ “ဝိတဒေါသံ စိတ္တ”န္တိ ပဇာနာတိ။ သမောဟံ ဝါ စိတ္တံ “သမောဟံ စိတ္တ”န္တိ ပဇာနာတိ။ ဝိတမောဟံ ဝါ စိတ္တံ “ဝိတမောဟံ စိတ္တ”န္တိ ပဇာနာတိ။ သံခိတ္တံ ဝါစိတ္တံ “သံခိတ္တံ စိတ္တ”န္တိ ပဇာနာတိ။ ဝိက္ခိတ္တံ ဝါစိတ္တံ “ဝိက္ခိတ္တံ စိတ္တ”န္တိ ပဇာနာတိ။ မဟဂ္ဂတံ ဝါ စိတ္တံ “မဟဂ္ဂတံ စိတ္တ”န္တိ ပဇာနာတိ။ အမဟဂ္ဂတံ ဝါ စိတ္တံ “အမဟဂ္ဂတံ စိတ္တ”န္တိ ပဇာနာတိ။ သဉ္စတ္တရံ ဝါ စိတ္တံ “သဉ္စတ္တရံ စိတ္တ”န္တိ ပဇာနာတိ။ အနုတ္တရံ ဝါ စိတ္တံ “အနုတ္တရံ စိတ္တ”န္တိ ပဇာနာတိ။ သမာဟိတံ ဝါ စိတ္တံ “သမာဟိတံ စိတ္တ”န္တိ ပဇာနာတိ။ အသမာဟိတံ ဝါစိတ္တံ “အသမာဟိတံ စိတ္တ”န္တိ ပဇာနာတိ။ ဝိမုတ္တံ ဝါစိတ္တံ “ဝိမုတ္တံ စိတ္တ”န္တိ ပဇာနာတိ။ အဝိမုတ္တံ ဝါစိတ္တံ “အဝိမုတ္တံ စိတ္တ”န္တိ ပဇာနာတိ။

၁-မုဒိင်္ဂသဒ္ဓမ္မိ (သီ၊ ဣ)

၂-သင်္ခပဏဝဒေဏ္ဍိမသဒ္ဓမ္မိ (သီ၊ ဣ)။ သင်္ခသဒ္ဓမ္မိ ပဏဝသဒ္ဓမ္မိ ဒေန္ဒိမသဒ္ဓမ္မိ (သျှ၊ ကံ)

၃-သင်္ခသဒ္ဓေါ ဣတိပိ ပဏဝသဒ္ဓေါ ဣတိပိ ဒေန္ဒိမသဒ္ဓေါ ဣတိပိ (သျှ၊ ကံ)

၂၄၃။ သေယျထာပိ မဟာရာဇ ဣတ္ထိ ဝါ ပုရိသော ဝါ ဒဟရာေ ယုဝါ မဏ္ဍနဇာတိကော အာဒါသေ ဝါ ပရိသုဒ္ဓေ ပရိယောဒါတေ အစ္ဆေ ဝါ ဥဒကပတ္တေ သကံ မုခနိမိတ္တံ ပစ္စဝေက္ခမာနေော သကဏိကံ ဝါ “သကဏိက”န္တိ ဇာနေယျ။ အကဏိကံ ဝါ “အကဏိက”န္တိ ဇာနေယျ။ ဧဝမေဝ ခေါ မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္ဇပ္ပတ္တေ စေတော- ပရိယဉာဏာယ စိတ္တံ အဘိနိဟရတိ အဘိနိန္နာမေတိ။ သော ပရသတ္တာနံ ပရပုဂ္ဂလာနံ စေတသာ စေတော ပရိစ္စ ပဇာနာတိ။ သရာဂံ ဝါ စိတ္တံ “သရာဂံ စိတ္တ”န္တိ ပဇာနာတိ။ ဝိတရာဂံ ဝါ စိတ္တံ “ဝိတရာဂံ စိတ္တ”န္တိ ပဇာနာတိ။ သဒေါသံ ဝါ စိတ္တံ “သဒေါသံ စိတ္တ”န္တိ ပဇာနာတိ။ ဝိတဒေါသံ ဝါ စိတ္တံ “ဝိတဒေါသံ စိတ္တ”န္တိ ပဇာနာတိ။ သမောဟံ ဝါ စိတ္တံ “သမောဟံ စိတ္တ”န္တိ ပဇာနာတိ။ ဝိတမောဟံ ဝါ စိတ္တံ “ဝိတမောဟံ စိတ္တ”န္တိ ပဇာနာတိ။ သံခိတ္တံ ဝါ စိတ္တံ “သံခိတ္တံ စိတ္တ”န္တိ ပဇာနာတိ။ ဝိက္ခိတ္တံ ဝါ စိတ္တံ “ဝိက္ခိတ္တံ စိတ္တ”န္တိ ပဇာနာတိ။ မဟဂ္ဂတံ ဝါ စိတ္တံ “မဟဂ္ဂတံ စိတ္တ”န္တိ ပဇာနာတိ။ အမဟဂ္ဂတံ ဝါ စိတ္တံ “အမဟဂ္ဂတံ စိတ္တ”န္တိ ပဇာနာတိ။ သဥတ္တရံ ဝါ စိတ္တံ “သဥတ္တရံ စိတ္တ”န္တိ ပဇာနာတိ။ အနုတ္တရံ ဝါ စိတ္တံ “အနုတ္တရံ စိတ္တ”န္တိ ပဇာနာတိ။ သမာဟိတံ ဝါ စိတ္တံ “သမာဟိတံ စိတ္တ”န္တိ ပဇာနာတိ။ အသမာဟိတံ ဝါ စိတ္တံ “အသမာဟိတံ စိတ္တ”န္တိ ပဇာနာတိ။ ဝိမုတ္တံ ဝါ စိတ္တံ “ဝိမုတ္တံ စိတ္တ”န္တိ ပဇာနာတိ။ အဝိမုတ္တံ ဝါ စိတ္တံ “အဝိမုတ္တံ စိတ္တ”န္တိ ပဇာနာတိ။ ဣဒမ္ပိ ခေါ မဟာရာဇ သန္နိဋ္ဌိကံ သာမညဖလံ ပုရိမေဟိ သန္နိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏီတတရဉ္စ။

ပုဗ္ဗေနိဝါသာနုဿတိဉာဏ (၆)

၂၄၄။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္ဇပ္ပတ္တေ ပုဗ္ဗေနိဝါသာနုဿတိဉာဏာယ စိတ္တံ အဘိနိဟရတိ အဘိနိန္နာမေတိ။ သော အနေကဝိဟိတံ ပုဗ္ဗေနိဝါသံ အနုဿရတိ။ သေယျထိဒံ၊ ဧကမ္ပိ ဇာတိံ ဖ္ဍေပိ ဇာတိယော တိဿောပိ ဇာတိယော စတဿောပိ ဇာတိယော ပဉ္စပိ ဇာတိယော ဒသပိ ဇာတိယော ဝိသမ္ပိ ဇာတိယော တိံသမ္ပိ ဇာတိယော စတ္တာလိသမ္ပိ ဇာတိယော ပညာသမ္ပိ ဇာတိယော ဇာတိသတမ္ပိ ဇာတိသဟဿမ္ပိ ဇာတိသတသဟဿမ္ပိ အနေကေပိ သံဝဇ္ဇကပ္ပေ အနေကေပိ ဝိဝဇ္ဇကပ္ပေ အနေကေပိ သံဝဇ္ဇဝိဝဇ္ဇကပ္ပေ။ “အမုတြာသိ” ဧဝံနာမော

ဧဝံဂေါတ္ထော ဧဝံဝဏ္ဏော ဧဝမာဟာရော ဧဝံသုခဒုက္ခပ္ပုဋ်သံဝေဒီ ဧဝမာယု-
ပရိယန္တော၊ သော တတော စုတော အမုတြ ဥဒပါဒိ၊ တတြာပါသိံ
ဧဝံနာမော ဧဝံဂေါတ္ထော ဧဝံဝဏ္ဏော ဧဝမာဟာရော ဧဝံသုခဒုက္ခပ္ပုဋ်သံဝေဒီ
ဧဝမာယုပရိယန္တော၊ သော တတော စုတော ဣရူပပန္နော”တိ၊ ဣတိ
သာကာရံ သဥဋ္ဌေသံ အနေကဝိဟိတံ ပုဗ္ဗေနိဝါသံ အနုဿရတိ။

၂၄၅။ သေယျထာပိ မဟာရာဇ ပုရိသော သကမ္မာ ဂါမာ အညံ ဂါမံ
ဂစ္ဆေယျ၊ တမှာပိ ဂါမာ အညံ ဂါမံ ဂစ္ဆေယျ၊ သော တမှာ ဂါမာ သကံယေဝ
ဂါမံ ပစ္စာဂစ္ဆေယျ။ တဿ ဧဝမဿ “အဟံ ခေါ သကမ္မာ ဂါမာ အမုံ
ဂါမံ အဂစ္ဆိံ၊ တတြ ဧဝံ အဋ္ဌာသိံ၊ ဧဝံ နိသိဒိံ၊ ဧဝံ အဘာသိံ၊
ဧဝံ တုဏှိ အဟောသိံ၊ တမှာပိ ဂါမာ အမုံ ဂါမံ အဂစ္ဆိံ၊ တတြာပိ
ဧဝံ အဋ္ဌာသိံ၊ ဧဝံ နိသိဒိံ၊ ဧဝံ အဘာသိံ၊ ဧဝံ တုဏှိ အဟောသိံ၊
သောမှိ တမှာ ဂါမာ သကံယေဝ ဂါမံ ပစ္စာဂတော”တိ။ ဧဝမေဝ ခေါ
မဟာရာဇ ဘိက္ခု ဧဝံ သမာဟိတေ စိတ္တေ ပရိသုဋ္ဌေ ပရိယောဒါတေ
အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္ဇပ္ပတ္တေ
ပုဗ္ဗေနိဝါသာနုဿတိဉာဏာယ စိတ္တံ အဘိနိဟရတိ အဘိနိန္နာမေတိ၊ သော
အနေကဝိဟိတံ ပုဗ္ဗေနိဝါသံ အနုဿရတိ၊ သေယျထိဒံ၊ ဧကမ္မိ ဇာတိံ
ဒွေပိ ဇာတိယော တိဿောပိ ဇာတိယော စတဿောပိ ဇာတိယော
ပဉ္စပိ ဇာတိယော ဒသပိ ဇာတိယော ဝိသမ္ပိ ဇာတိယော တိံသမ္ပိ
ဇာတိယော စတ္တာလီသမ္ပိ ဇာတိယော ပညာသမ္ပိ ဇာတိယော ဇာတိသတမ္ပိ
ဇာတိသဟဿမ္ပိ ဇာတိသတသဟဿမ္ပိ အနေကေပိ သံဝုဋ်ကပ္ပေ အနေကေပိ
ဝိဝုဋ်ကပ္ပေ အနေကေပိ သံဝုဋ်ဝိဝုဋ်ကပ္ပေ၊ “အမုတြာသိံ” ဧဝံနာမော ဧဝံ-
ဂေါတ္ထော ဧဝံဝဏ္ဏော ဧဝမာဟာရော ဧဝံသုခဒုက္ခပ္ပုဋ်သံဝေဒီ ဧဝမာယု-
ပရိယန္တော၊ သော တတော စုတော အမုတြ ဥဒပါဒိ၊ တတြာပါသိံ
ဧဝံနာမော ဧဝံဂေါတ္ထော ဧဝံဝဏ္ဏော ဧဝမာဟာရော ဧဝံသုခဒုက္ခပ္ပုဋ်သံဝေဒီ
ဧဝမာယုပရိယန္တော၊ သော တတော စုတော ဣရူပပန္နော”တိ၊ ဣတိ
သာကာရံ သဥဋ္ဌေသံ အနေကဝိဟိတံ ပုဗ္ဗေနိဝါသံ အနုဿရတိ။ ဣဒမ္ပိ ခေါ
မဟာရာဇ သန္တိဋ္ဌိကံ သာမညဖလံ ပုရိမေဟိ သန္တိဋ္ဌိကေဟိ သာမညဖလေဟိ
အဘိက္ကန္တတရဉ္စ ပဏိတတရဉ္စ။

ဒိဗ္ဗစက္ခုဉာဏ (၇)

၂၄၆။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ
 ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္ဇပ္ပတ္တေ သတ္တာနံ စုတူပ-
 ပါတဉာဏာယ စိတ္တံ အဘိနိဟရတိ အဘိနိန္ဒာမေတိ၊ သော ဒိဗ္ဗေန စက္ခုနာ
 ဝိသုဒ္ဓေန အတိက္ကန္တမာနုသကေန သတ္တေ ပဿတိ စဝမာနေ ဥပပဇ္ဇမာနေ
 ဟိနေ ပဏီတေ သုဝဏ္ဏေ ဒုဗ္ဗဏ္ဏေ သုဂတေ ဒုဂတေ၊ ယထာကမ္မူပဂေ သတ္တေ
 ပဇာနာတိ “ဣမေ ဝတ ဘောန္တော သတ္တာ ကာယဒုစ္စရိတေန သမန္ဓာဂတာ
 ဝစီဒုစ္စရိတေန သမန္ဓာဂတာ မနောဒုစ္စရိတေန သမန္ဓာဂတာ အရိယာနံ
 ဥပဝါဒကာ မိစ္ဆာဒိဋ္ဌိကာ မိစ္ဆာဒိဋ္ဌိကမ္မသမာဒါနာ၊ တေ ကာယဿ ဘေဒါ
 ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပန္နာ။ ဣမေ ဝါ ပန
 ဘောန္တော သတ္တာ ကာယသုစရိတေန သမန္ဓာဂတာ ဝစီသုစရိတေန သမန္ဓာ-
 ဂတာ မနောသုစရိတေန သမန္ဓာဂတာ အရိယာနံ အနုပဝါဒကာ သမ္မာဒိဋ္ဌိကာ
 သမ္မာဒိဋ္ဌိကမ္မသမာဒါနာ၊ တေ ကာယဿ ဘေဒါ ပရံ မရဏာ သုဂတိံ သဂ္ဂံ
 လောကံ ဥပပန္နာ”တိ၊ ဣတိ ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနုသကေန
 သတ္တေ ပဿတိ စဝမာနေ ဥပပဇ္ဇမာနေ ဟိနေ ပဏီတေ သုဝဏ္ဏေ ဒုဗ္ဗဏ္ဏေ
 သုဂတေ ဒုဂတေ၊ ယထာကမ္မူပဂေ သတ္တေ ပဇာနာတိ။

၂၄၇။ သေယျထာပိ မဟာရာဇ မဇ္ဈေ သိဗ်ာဋကေ ပါသာဒေါ၊ တတ္ထ
 စက္ခုမာ ပုရိသော ဌိတော ပံသေယျ မနုသေ ဂေဟံ ပဝိသန္တေပိ နိက္ခမန္တေပိ
 ရထိကာယပိ ဝီထိံ သဉ္ဇရန္တေ^၁ မဇ္ဈေ သိဗ်ာဋကေ နိသိန္တေပိ။ တဿ
 ဧဝမဿ “ဧတေ မနုဿာ ဂေဟံ ပဝိသန္တိ၊ ဧတေ နိက္ခမန္တိ၊ ဧတေ
 ရထိကာယ ပီထိံ သဉ္ဇရန္တိ၊ ဧတေ မဇ္ဈေ သိဗ်ာဋကေ နိသိန္ဒာ”တိ။
 ဧဝမေဝ ခေါ မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ
 ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ
 အာနေဉ္ဇပ္ပတ္တေ သတ္တာနံ စုတူပပါတဉာဏာယ စိတ္တံ အဘိနိဟရတိ အဘိ-
 နိန္ဒာမေတိ၊ သော ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနုသကေန သတ္တေ
 ပဿတိ စဝမာနေ ဥပပဇ္ဇမာနေ ဟိနေ ပဏီတေ သုဝဏ္ဏေ ဒုဗ္ဗဏ္ဏေ သုဂတေ
 ဒုဂတေ၊ ယထာကမ္မူပဂေ သတ္တေ ပဇာနာတိ “ဣမေ ဝတ ဘောန္တော သတ္တာ
 ကာယဒုစ္စရိတေန သမန္ဓာဂတာ ဝစီဒုစ္စရိတေန သမန္ဓာဂတာ မနောဒုစ္စရိတေန
 သမန္ဓာဂတာ အရိယာနံ ဥပဝါဒကာ မိစ္ဆာဒိဋ္ဌိကာ မိစ္ဆာဒိဋ္ဌိကမ္မသမာဒါနာ၊
 တေ ကာယဿ ဘေဒါ ပရံ မရဏာ အပါယံ ဒုဂ္ဂတိံ ဝိနိပါတံ နိရယံ ဥပပန္နာ။

၁-ရထိယာပိ ရထိံ သဉ္ဇရန္တေ (သိ)၊ ရထိယာယ ဝီထိံ သဉ္ဇရန္တေပိ (သျှာ)

ဣမေ ဝါ ပန ဘောန္တော သတ္တာ ကာယသုစရိတေန သမန္ဓာဂတာ ဝစီသုစရိတေန သမန္ဓာဂတာ မနောသုစရိတေန သမန္ဓာဂတာ အရိယာနံ အနုပဝါဒကာ သမ္မာဒိဋ္ဌိကာ သမ္မာဒိဋ္ဌိကမ္မသမာဒါနာ၊ တေ ကာယဿ ဘောဒါ ပရံ မရဏာ သုဂတိံ သဂ္ဂံ လောကံ ဥပပန္နာ”တိ။ ဣတိ ဒိဗ္ဗေန စက္ခုနာ ဝိသုဒ္ဓေန အတိက္ကန္တမာနုသကေန သတ္တေ ပဿတိ စဝမာနေ ဥပပဇ္ဇမာနေ ဟိနေ ပဏိတေ သုဝဏ္ဏေ ဒုဗ္ဗဏ္ဏေ သုဂတေ ဒုဂ္ဂတေ၊ ယထာကမ္မူပဂေ သတ္တေ ပဇာနာတိ။ ဣဒမ္ပိ ခေါ မဟာရာဇ သန္တိဋ္ဌိကံ သာမညဖလံ ပုရိမေဟိ သန္တိဋ္ဌိကေဟိ သာမညဖလေဟိ အဘိက္ကန္တတရဉ္စ ပဏိတတရဉ္စ။

အာသဝက္ခယဉာဏ (ဂ)

၂၄၈။ သော ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပုတ္တေ အာသဝါနံ ခယဉာဏာယ စိတ္တံ အဘိနိဟရတိ အဘိနိန္ဓာမေတိ။ သော ဣဒံ ဒုက္ခန္တိ ယထာဘူတံ ပဇာနာတိ။ အယံ ဒုက္ခသမုဒယောတိ ယထာဘူတံ ပဇာနာတိ။ အယံ ဒုက္ခနိရောဓောတိ ယထာဘူတံ ပဇာနာတိ။ အယံ ဒုက္ခနိရောဓဂါမိနိ ပဋိပဒါတိ ယထာဘူတံ ပဇာနာတိ။ ဣမေ အာသဝါတိ ယထာဘူတံ ပဇာနာတိ။ အယံ အာသဝသမုဒယောတိ ယထာဘူတံ ပဇာနာတိ။ အယံ အာသဝနိရောဓောတိ ယထာဘူတံ ပဇာနာတိ။ အယံ အာသဝနိရောဓဂါမိနိ ပဋိပဒါတိ ယထာဘူတံ ပဇာနာတိ။ တဿ ဧဝံ ဇာနတော ဧဝံ ပဿတော ကာမာသဝါပိ စိတ္တံ ဝိမုစ္စတိ။ ဘဝါသဝါပိ စိတ္တံ ဝိမုစ္စတိ။ အဝိဇ္ဇာသဝါပိ စိတ္တံ ဝိမုစ္စတိ။ ဝိမုတ္တသ္မိံ ဝိမုတ္တမိတိ ဉာဏံ ဟောတိ။ “ဒိဏာ ဇာတိ၊ ဝုဿိတံ မြဟ္မစရိယံ၊ ကတံ ကရဏီယံ၊ နာပရံ ဣတ္ထတ္တာယာ”တိ ပဇာနာတိ။

၂၄၉။ သေယျထာပိ မဟာရာဇ ပဗ္ဗတသင်္ခေပေ ဥဒကရဟဒေါ အစ္စော ဝိပုသန္ဓော အနာဝိလော၊ တတ္ထ စက္ခုမာ ပုရိသော တီရေ ဌိတော ပဿေယျ သိပ္ပိကသမ္မုကမ္ပိ သက္ခရကထလမ္ပိ မစ္ဆဂုမ္ပမ္ပိ စရန္တမ္ပိ တိဋ္ဌန္တမ္ပိ။ တဿ ဧဝမဿ “အယံ ခေါ ဥဒကရဟဒေါ အစ္စော ဝိပုသန္ဓော အနာဝိလော၊ တတြိမေ သိပ္ပိကသမ္မုကာပိ သက္ခရကထလာပိ မစ္ဆဂုမ္ပာပိ စရန္တိပိ တိဋ္ဌန္တိပိ”တိ။ ဧဝမေဝ ခေါ မဟာရာဇ ဘိက္ခု ဧဝံ သမာဟိတေ စိတ္တေ ပရိသုဒ္ဓေ ပရိယောဒါတေ အနင်္ဂဏေ ဝိဂတူပတ္တိလေသေ မုဒုဘူတေ ကမ္မနိယေ ဌိတေ အာနေဉ္စပုတ္တေ အာသဝါနံ ခယဉာဏာယ စိတ္တံ အဘိနိဟရတိ အဘိနိန္ဓာမေတိ။ သော ဣဒံ ဒုက္ခန္တိ ယထာဘူတံ ပဇာနာတိ။ အယံ ဒုက္ခသမုဒယောတိ ယထာဘူတံ

ပဇာနာတိ၊ အယံ ဒုက္ခနိရောဓောတိ ယထာဘူတံ ပဇာနာတိ၊ အယံ ဒုက္ခနိရောဓဂေါမိနိ ပဋိပဒါတိ ယထာဘူတံ ပဇာနာတိ။ ဣမေ အာသဝါတိ ယထာဘူတံ ပဇာနာတိ၊ အယံ အာသဝသမုဒယောတိ ယထာဘူတံ ပဇာနာတိ၊ အယံ အာသဝနိရောဓောတိ ယထာဘူတံ ပဇာနာတိ၊ အယံ အာသဝနိရောဓဂေါမိနိ ပဋိပဒါတိ ယထာဘူတံ ပဇာနာတိ။ တဿ ဧဝံ ဇာနတော ဧဝံ ပဿတော ကာမာသဝါပိ စိတ္တံ ဝိမုစ္စတိ၊ ဘဝါသဝါပိ စိတ္တံ ဝိမုစ္စတိ၊ အဝိဇ္ဇာသဝါပိ စိတ္တံ ဝိမုစ္စတိ၊ ဝိမုတ္တသ္မိံ ဝိမုတ္တမိတိ ဉာဏံ ဟောတိ။ “ဒိဏာ ဇာတိ၊ ဝုသိတံ ဗြဟ္မစရိယံ၊ ကတံ ကရဏီယံ၊ နာပရံ ဣတ္ထတ္တာယာ”တိ ပဇာနာတိ။ ဣဒံ ခေါ မဟာရာဇ သန္ဓိဋ္ဌိကံ သာမညဗလံ ပုရိမေဟိ သန္ဓိဋ္ဌိကေဟိ သာမညဗလေဟိ အဘိက္ကန္တတရဉ္စ ပဏီတတရဉ္စ။ ဣမသ္မာ စ ပန မဟာရာဇ သန္ဓိဋ္ဌိကာ သာမညဗလာ အညံ သန္ဓိဋ္ဌိကံ သာမညဗလံ ဥတ္တရိတရံ ဝါ ပဏီတတရံ ဝါ နတ္ထိ”တိ။

အဇာတသတ္တုဥပါသကတ္တပဋိဝေဒနာ

၂၅၀။ ဧဝံ ဝုတ္တေ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝန္တံ တေဒဝေါစ “အဘိက္ကန္တံ ဘန္တေ အဘိက္ကန္တံ ဘန္တေ၊ သေယျထာပိ ဘန္တေ နိက္ကဋ္ဌိတံ ဝါ ဥက္ကဋ္ဌေယျ၊ ပဋိစ္ဆန္တံ ဝါ ဝိဝရေယျ၊ မုဋ္ဌဿ ဝါ မဂ္ဂံ အာစိက္ခေယျ၊ အန္ဓကာရေ ဝါ တေလပဇ္ဇောတံ ဓာရေယျ ‘စက္ခုမန္တော ရူပါနိ ဒက္ခန္တိ’တိ၊ ဧဝမေဝံ ဘန္တေ ဘဂဝတာ အနေကပရိယာယေန ဓမ္မော ပကာသိတော။ ဒေသာဟံ ဘန္တေ ဘဂဝန္တံ သရဏံ ဂစ္ဆာမိ ဓမ္မဉ္စ ဘိက္ခုသံသဉ္စ၊ ဥပါသကံ မံ ဘဂဝါ ဓာရေတု အဇ္ဇတဂ္ဂေ ပါဏုပေတံ သရဏံ ဂတံ၊ အစ္စယော မံ ဘန္တေ အစ္စဂမာ ယထာဗာလံ ယထာမူဠံ ယထာအကုသလံ၊ ယောဟံ ပိတရံ ဓမ္မိကံ ဓမ္မရာဇာနံ ဣဿရိယကာရဏာ ဇီဝိတာ ဝေါရောပေသိံ၊ တဿ မေ ဘန္တေ ဘဂဝါ အစ္စယံ အစ္စယတော ပဋိဂ္ဂဏှာတု အာယတိံ သံဝရာယာ”တိ။

၂၅၁။ တဣ တံ မဟာရာဇ အစ္စယော အစ္စဂမာ ယထာဗာလံ ယထာမူဠံ ယထာအကုသလံ၊ ယံ တံ ပိတရံ ဓမ္မိကံ ဓမ္မရာဇာနံ ဇီဝိတာ ဝေါရောပေသိံ၊ ယတော စ ခေါ တံ မဟာရာဇ အစ္စယံ အစ္စယတော ဒိသ္မာ ယထာဓမ္မံ ပဋိကရောသိံ၊ တံ တေ မယံ ပဋိဂ္ဂဏှာမ၊ ဝုဒ္ဓိဟေသာ မဟာရာဇ အရိယဿ ဝိနယေ၊ ယော အစ္စယံ အစ္စယတော ဒိသ္မာ ယထာဓမ္မံ ပဋိကရောတိ၊ အာယတိံ သံဝရံ အာပဇ္ဇတိတိ။

၂၅၂။ ဧဝံ ဝုတ္တေ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝန္တံ တေဒဝေါစ “ဟန္တု စ ဒါနိ မယံ ဘန္တေ ဂစ္ဆာမ ဗဟုကိစ္စာ မယံ ဗဟုကရဏိယာ”တိ။ ယဿဒါနိ တံ မဟာရာဇ ကာလံ မညသိတိ။ အထ ခေါ ရာဇာ မာဂဓော အဇာတသတ္တု ဝေဒေဟိပုတ္တော ဘဂဝတော ဘာသိတံ အဘိနန္ဒိတွာ အနုမောဒိတွာ ဥဋ္ဌာယာသနာ ဘဂဝန္တံ အဘိဝါဒေတွာ ပဒက္ခိဏံ ကတွာ ပက္ကာမိ။

၂၅၃။ အထ ခေါ ဘဂဝါ အစိရပက္ကန္တဿ ရညော မာဂဓဿ အဇာတသတ္တုဿ ဝေဒေဟိပုတ္တဿ ဘိက္ခု။ အာမန္တေသိ “ခတာယံ ဘိက္ခဝေ ရာဇာ၊ ဥပဟတာယံ ဘိက္ခဝေ ရာဇာ၊ သစာယံ ဘိက္ခဝေ ရာဇာ ပိတရံ ဓမ္မိကံ ဓမ္မရာဇာနံ ဇီဝိတာ န ဝေါရောပေဿထ၊ ဣမသ္မိယေဝ အာသနေ ပိရဇံ ပိတမလံ ဓမ္မစက္ခု ဥပ္ပဋိဿထာ”တိ။ ဣဒမဝေါစ ဘဂဝါ။ အတ္ထမနာ တေ ဘိက္ခု။ ဘဂဝတော ဘာသိတံ အဘိနန္ဒန္တိ။

သာမညဗလသုတ္တံ နိဋ္ဌိတံ ဒုတိယံ။